

漢書補注

高五王傳第八

漢書卷之八

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級 王先謙補注

高皇帝八男呂后生孝惠帝曹夫人生齊悼惠王肥薄姬生孝文

帝戚夫人生趙隱王如意趙姬生淮南厲王長諸姬生趙幽王友

趙其王恢燕靈王建鄭氏曰諸姬姓也張晏曰非一之稱也師古曰諸姬總言在姬妾之列者耳其知姓位者

史各具言之不知氏族及秩次者則云諸姬也而趙幽王下三王

非必何母蓋呂皆不知其所生之姬姓故總言之文三王傳云諸

姬生代孝王參梁懷王揖景十三王傳云屬諸姬子子栗姬此意

皆同張云非一近得之矣春秋左氏傳曰諸子仲子戎子諸子魯

如此其例也豈已諸爲姓乎鄭淮南厲王長自有傳

齊悼惠王肥其母高祖徵時外婦也師古曰謂與旁通者補注沈

特外昏也列女傳賢明篇宋鮑蘇仕衛高祖六年立食七十餘城

三年而娶外妻外婦與外昏外妻同義

補注齊召南曰案高紀以膠東膠西臨淄濟北博陽城陽郡七十三縣封齊先謙曰史記云七十城舉大數諸民能齊

言者皆與齊孟康曰此時流移故使齊言者還齊也師古曰欲其

流亡移亡一也人

多二字不可少

孝惠二年入朝帝與齊王燕飲太后前置齊王

上坐如家人禮師古曰曰兄弟齒列不從君臣之禮故曰家人也坐音材臥反太后怒迺令人酌

兩卮鴆酒置前應劭曰鴆鳥黑身赤目食蜩蚊野葛曰其羽盡酒中飲之立死補注先謙曰官本蛟作蛇是

齊王爲壽補注周壽昌曰據此古人置酒爲壽先自飲明其酒無惡味而後曰壽長上也觀下帝亦起欲俱爲壽可見

齊王起帝亦起欲俱爲壽太后恐自起反卮師古曰反音幡齊王怪之因

不敢飲陽醉去問知其鴆迺憂自曰爲不得脫長安師古曰脫免也言死於長

安不得更至齊國也脫音吐活反內史士曰師古曰內史王官士者其名也太后

獨有帝與魯元公主今王有七十餘城而公主迺食數城王誠曰

一郡上太后爲公主湯沐邑太后必喜王無患矣於是齊王獻城

陽郡曰尊公主爲王太后師古曰爲齊王太后也言曰母禮事之所曰自嬬也解其在惠紀補注齊召南

曰秦史記無此句但曰獻城陽郡曰爲魯元公主湯沐邑而已呂太后喜而許之迺置酒齊邸樂

飲遣王歸國後十三年薨子襄嗣

趙隱王如意九年立

師古曰高祖之九年也他皆類此補注沈欽

戚姬使舊趙王內傳趙姬傳之號其室曰養德宮

四年高祖崩

師古曰趙王之四年

呂太后徵王到

長安鳩殺之無子絕

趙幽王友十一年立爲淮陽王趙隱王如意死孝惠元年徙友王

趙凡立十四年

補注宋祁曰四字校添

友曰諸呂女爲后不愛愛它姬諸呂

女怒去諛之於太后曰王曰呂氏安得王

師古曰安猶焉也

太后百歲後

吾必擊之太后怒曰故召趙王趙王至置邸不見令衛圍守之不

得食其羣臣或竊饋之輒捕論之趙王餓乃歌曰諸呂用事兮劉

氏微迫脅王侯兮彊授我妃我妃既妬兮誣我呂惡

師古曰惡誣音一故反

女亂國兮上曾不寤我無忠臣兮何故

師古曰謂不能明白之也

棄國自快中

野兮蒼天與直

師古曰天色蒼蒼故曰蒼天言己之理直冀天臨監之補注劉攽曰東國當屬上句宋祁曰浙本無

字于嗟不可悔兮寧早自賊

師古曰賊害也悔不早棄趙國而快意自殺於田野之中今乃被幽餓也

爲王餓死兮誰者憐之呂氏絕理兮託天報仇

補注宋祁曰仇音渠九反離也遂

幽死呂氏禮葬之長安高后崩孝文卽位立幽王子遂爲趙王二

年有司請立皇子爲王上曰趙幽王幽死朕甚憐之已立其長子

遂爲趙王遂弟辟彊及齊悼惠王子朱虛侯章東牟侯興居有功

皆可王於是取趙之河間立辟彊是爲河間文王文王立十三年

薨子哀王福嗣一年薨無子國除趙王遂立二十六年孝景時暋

錯呂過削趙常山郡諸侯怨吳楚反遂與合謀起兵其相建德內

師古曰上云其相建德內史王悍下

史王悍諫不聽遂燒殺德悍

云燒殺德悍是爲相姓建名德也而

景武功臣侯表云建侯橫父建德曰趙相死事子侯則是不知其

姓表傳不同疑後人轉寫此傳誤脫去一建字也補注洗謙曰史記上下文並作建

德悍類說是也發兵住其西界欲待吳楚俱進北使匈奴與連

和漢使曲周侯酈寄擊之趙王城守邯鄲相距七月吳楚敗匈奴

間之亦不肯入邊樂布自破齊還并兵引水灌趙城

補注先謙曰紀要西河在

廣平府邯鄲縣東二十五里一名涿沁水濁漳水注牛首水出邯

鄲縣西堵山東流分爲二水漢景時六國特逆命曲周侯酈寄攻

趙圍邯鄲相持七月引牛首水灌城壞王自殺其水東入邯

鄲城經溫明殿南又東流出城合成一川又東澄而爲涿沁水東

南流注拘瀾水又東入白渠案城南五城壞王遂自殺國除景帝

里有涿河城西半里有沁河合爲西河

憐趙相內史守正死皆封其子爲列侯

補注先謙曰史記贊云趙任防與先生豈有篡殺之

謀爲天下侈哉索隱史漢不見趙不用防與公蓋當時猶知事迹故史公明著之據此納忠者不獨相內史也

趙共王恢十一年梁王彭越誅立恢爲梁王十六年趙幽王死呂

后徙恢王趙恢心不樂太后呂產女爲趙王后王后從官皆諸

呂也內擅權微司趙王

補注周壽昌曰司讀曰伺王不得自恣王有愛姬王后

鳩殺之

補注沈欽韓曰外戚傳同西京雜記云呂后命力士於掖中縊殺之

王乃爲歌詩四章令樂

人歌之王悲思六月自殺太后聞之呂爲用婦人故自殺無思奉

宗廟禮廢其嗣

燕靈王建十一年燕王盧綰亡入匈奴明年立建爲燕王十五年

薨

補注沈欽韓曰金史文藝傳初兩燕王墓舊在中都東城外海陵廣京城圍墓在東城內前嘗有盜發其墓大建九年詔改葬

於城外俗傳六國時燕王及太子丹之葬及啟墳其東墓之柩題其端曰燕靈王柩乃西漢高祖子劉建葬也其西墓蓋燕康王劉嘉之葬也

有美人子

師古曰王之美人生子也

太后使人殺之絕後

齊悼惠王子前後凡九人爲王太子襄爲齊哀王次子章爲城陽

景王興居爲濟北王將閔爲齊王志爲濟北王辟光爲濟南王

師古

日辟音壁又讀曰闕

賢爲菑川王卬爲膠西王雄渠爲膠東王齊哀王襄孝

惠六年嗣立明年惠帝崩呂太后稱制元年呂其兄子酈侯呂台

爲呂王

師古曰酈音敷補注先謙曰史記作酈徐廣注一作酈

割齊之濟南郡爲呂王奉邑

師古曰奉音扶川反他皆類此

明年哀王弟章入宿衛於漢高后封爲朱虛侯呂

呂祿女妻之後四年封章弟興居爲東牟侯皆宿衛長安高后七

年割齊琅邪郡立營陵侯劉澤爲琅邪王是歲趙王友幽死于邸

三趙王既廢高后立諸呂爲三王擅權用事補注先謙曰章年二

十有氣力忿劉氏不得職嘗入侍燕飲高后令章爲酒吏補注沈

吏當作史賓之初筵云或立之監或佐之史先章自請曰臣將種

也請得曰軍法行酒高后曰可酒酣章進歌舞已而曰請爲太后

言耕田師古曰欲高后兒子畜之師古曰比之於子也補注沈欽

后蓋以小兒視之非愛之也周壽昌笑曰願乃父知田耳師古曰

乃汝也汝父謂高帝也補注劉攽曰兒子畜之不以人臣待之也

乃父直謂王肥耳下又云齊王自以兒子年少豈可以琅邪爲父

也齊召南曰悼惠王本高帝微時庶子故曰知田上文高后兒子

畜之不謂呼孫爲子也下文云若生而爲王子安知田乎義尤明

白劉若生而爲王子安知田乎亦汝也章曰臣知之太后曰試

爲我言田意補注先謙曰史記作試爲我言田不須章曰深耕概

種立苗欲疏師古曰概耨也概種者言多生子孫也非其種者鋤

而去之

師古曰呂斥諸呂也

太后默然頃之諸呂有一人醉亡酒

師古曰避酒而逃亡

章追拔劒斬之而還報曰有亡酒一人臣謹行軍法斬之太后左

右大驚業已許其軍法亡呂罪也因罷酒自是後諸呂憚章雖大

臣皆依朱虛侯劉氏爲彊

師古曰爲音干僞反補注朱一新曰爲當讀如字顏音非

其明年高

后崩趙王呂祿爲上將軍呂王產爲相國皆居長安中聚兵呂威

大臣欲爲亂章呂祿女爲婦知其謀乃使人陰出告其兄齊王

欲令發兵西

師古曰西詣京師

朱虛侯東牟侯欲從中與大臣爲內應呂

誅諸呂因立齊王爲帝齊王聞此計與其舅駟鈞郎中令祝午中

尉魏勃陰謀發兵齊相召平問之

師古曰召讀曰邵補注先謙曰索隱廣平人召平與東陵侯召

平及此召平皆別人

乃發兵入衛王宮魏勃給平曰師古曰給誰也王欲發兵非有

漢虎符驗也

補注先謙曰胡三省云史記文帝紀三年九月初與郡國守相爲銅虎符既有初字則前此未有銅虎符

也召平魏勃事在前何緣有銅虎符沈欽韓云史家以後事追稱此類甚多

而相君園王固善勃請爲

君將兵衛衛王

師古曰謂將兵及衛守之具呂禁衛王令不得發也

召平信之乃使魏勃將

勃既將呂兵圍相府

召平曰嗟乎道家之言當斷不斷反受其亂

補注沈欽韓曰春申傳贊引之後書儒林傳引作黃石公三略

遂自殺於是齊王曰駟鈞爲相魏

勃爲將軍祝午爲內史悉發國中兵使祝午給琅邪王曰呂氏爲

亂齊王發兵欲西誅之齊王自呂兒子年少不習兵革之事願舉

國委大王大王自高帝將也

師古曰言自高帝之時已爲將也

習戰事齊王不敢

離兵

服虔曰不敢離其兵而到琅邪

使臣請大王幸之臨菑見齊王計事并將齊

兵呂西平關中之亂琅邪王信之呂爲然迺馳見齊王齊王與魏

勃等因畱琅邪王而使祝午盡發琅邪國而并將其兵琅邪王劉

澤既欺不得反國

補注王念孫曰既欺本作既見欺謂見欺於齊王而不得反其國也今本脫見字則文不成義

燕王劉澤傳注引此有兄字悼惠王世家同

乃說齊王曰齊悼惠王高皇帝長子也推

本言之大王高皇帝適長孫也

師古曰適讀曰嫡

當立今諸大臣狐疑未

有所定而澤於劉氏最爲長年大臣固待澤決計今大王留臣無

爲也不如使我入關計事齊王已爲然乃益具車送琅邪王琅邪

王既行齊遂舉兵西攻呂國之濟南於是齊王遣諸侯王書曰高

帝平定天下王諸子弟悼惠王薨惠帝使留侯張良立臣爲齊王

惠帝崩高后用事春秋高聽諸呂擅廢帝更立補注先謙曰史記作擅廢高帝所立

義又殺三趙王滅梁趙燕已王諸呂分齊國爲四補注先謙曰史記更分爲濟南

琅邪城陽凡爲四也忠臣進諫上或亂不聽今高后崩皇帝春秋富師古曰言年幼

也此之於財方未賈竭故謂之富未能治天下固待大臣諸侯補注先謙曰史記待作恃今諸

呂又擅自尊官聚官嚴威補注朱一新曰監本下官作兵先謙曰官本作兵史記同劫列侯忠

臣擣制已令天下師古曰擣託也託天子之制詔也擣音矯宗廟已危寡人帥兵入誅

不當爲王者漢聞之相國呂產等遣大將軍潁陰侯灌嬰將兵擊

之嬰至滎陽乃謀曰諸呂舉兵關中欲危劉氏而自立今我破齊

還報是益呂氏資也乃留兵屯滎陽使人諭齊王及諸侯與連和

師古曰諫
記曉告也

呂待呂氏之變而其誅之齊王聞之乃屯兵西界待約

補注先諫曰史記乃下
有西取其故濟南郡句

呂祿呂產欲作亂朱虛侯章與太尉勃丞

相平等誅之章首先斬呂產太尉勃等乃盡誅諸呂而琅邪王亦

從齊至長安大臣議欲立齊王皆曰

補注先諫曰史記作
琅邪王及大臣曰

母家駟

鉤惡戾虎而冠者也

張晏曰言鉤惡
戾如虎著冠

訪呂呂氏故幾亂天下

如滄
日訪

猶方也師古曰幾音鉅依反補注劉歆曰此訪與公羊訪
於此義同周壽昌曰訪同助助始也先諫曰史記作方

今又立

齊王是欲復爲呂氏也代王母家薄氏君子長者且代王高帝子

於今見在最爲長呂子則順呂善人則大臣安於是大臣乃謀迎

代王而遺章呂誅呂氏事告齊王令罷兵灌嬰在滎陽聞魏勃本

教齊王反既誅呂氏罷齊兵使使召責問魏勃勃曰失火之家豈

暇先言丈人後救火乎

師古曰言呂社稷將危故舉兵呂匡之不
暇待有詔命也補注先諫曰官本匡作臣

引宋祁曰注文以臣之或作以

因退立股戰而栗

師古曰股戰也戰者懼之甚也

恐不能言者終無他語灌將軍執視笑曰人謂魏勃勇妄庸人耳

補注先謙曰索隱言凡妄庸劣之人

何能爲乎乃罷勃

師古曰放令去

勃父已善鼓琴見秦

皇帝及勃少時欲求見齊相曹參家貧無已自通乃常獨早埽齊

相舍人門外舍人怪之已爲物而司之得勃

師古曰物謂鬼神司者察視之勃曰

願見相君無因故爲子埽欲已求見於是舍人見勃曹參因已爲

舍人壹爲參御言事已爲賢言之悼惠王王召見拜爲內史始悼

惠王得自置二千石及悼惠王薨哀王嗣勃用事重於相齊王既

罷兵歸而代王立是爲孝文帝文帝元年盡已高后時所割齊之

城陽琅邪濟南郡復予齊而徙琅邪王王燕益封朱虛侯東牟侯

各二千戶黃金千斤是歲齊哀王薨子文王則嗣十四年薨無子

國除

補注先謙曰史記則作側談

城陽景王章

補注先謙曰王齊城陽郡年表云都莒

孝文二年

呂朱虛侯與東牟侯興居俱立二年薨子其王喜嗣孝文十二年

徙王淮南

補注先謙曰年表云都陳

五年復還王城陽凡立三十三年薨子頃

王延嗣二十六年薨子敬王義嗣九年薨子惠王武嗣十一年薨

補注宋祁曰越本作十年先謙曰史記作十一年表同

子荒王順嗣四十六年薨

補注宋祁曰越本作

三十六年先謙曰史記作四十六年表同子戴王恢嗣八年薨子孝王景嗣二十四年

薨子哀王雲嗣一年薨無子國絕成帝復立雲兄俚爲城陽王

曰俚音里王莽時絕濟北王興居

補注先謙曰王齊濟北郡

初呂東牟侯與大臣共

立文帝於代邸曰誅呂氏臣無功請與太僕滕公俱入清宮

師古曰滕

公夏侯嬰也遂將少帝出迎皇帝入宮始誅諸呂時朱虛侯章功尤大

大臣許盡呂趙地王章盡呂梁地王興居及文帝立聞朱虛東牟

之初欲立齊王故黜其功

師古曰不賞之

二年王諸子乃割齊二郡呂王

章與居章與居意自己失職奪功歲餘章薨而匈奴大入邊漢多

發兵丞相灌嬰將擊之文帝親幸太原興居呂爲天子自擊胡遂

發兵反上聞之罷兵歸長安使棘蒲侯柴將軍

張晏曰柴武補注發大昭曰案功臣

表有棘蒲侯陳武此又作柴說詳侯表

擊破虜濟北王王自殺國除文帝憫濟北王

逆亂呂自滅明年盡封悼惠王諸子罷軍等七人爲列侯

師古曰罷音皮

彼反又讀曰疲補注錢大昭曰本紀亦作七人漢王子侯表管共

侯罷軍氏邱共侯甯國營平侯信都楊邱侯安楊虛侯將閭勃侯

辟光安都侯志平昌侯卬武成侯賢白石侯雄渠俱悼惠王子同

日受封此七人當作十人下文云十五年分齊爲六國盡立前所

師古曰

封悼惠王子列侯見在者六人爲王時罷至十五年齊文王又薨

無子時悼惠王後尙有城陽王在文帝憐悼惠王適嗣之絕

師古曰適讀曰嫡補注宋祁曰於是乃分齊爲六國盡立前所封悼惠王子

越本絕字下有世字

列侯見在者六人爲王齊孝王將閭呂楊虛侯立濟北王志呂安

都侯立菑川王賢呂武成侯立膠東王雄渠呂白石侯立膠西王

卬呂平昌侯立

補注先漢曰菑川王都尉膠東王濟南王辟光呂都卽膠西王都高苑並見年表

劫侯立

服虔曰劫音勒劫平原縣也補注朱一新曰劫王予侯表作劫悼惠王世家作勒誤也

孝文十六年

六王同日俱立立十一年孝景三年吳楚反膠東膠西菑川濟南

王皆發兵應吳楚欲與齊

師古曰與之同反

齊孝王狐疑城守不聽三國

兵共圍齊

張晏曰膠西菑川濟南也補注劉奉世曰吳王濞傳前云膠西膠東與菑川濟南其圍臨菑後云膠西膠東菑

川三國各引兵歸則此三國無濟南王也然初言四國共圍齊又言三國疑必有誤

齊王使路中大夫告於

天子

張晏曰姓路爲中大夫補注周壽昌曰廣韻中字下引賈執英賢傳曰路中大夫之後以路中爲氏是其後姓路中也先

謙曰索隱引顧氏按路氏諸中大夫名邱

天子復令路中大夫還報告齊王堅守漢兵

今破吳楚矣路中大夫至三國兵圍臨菑數重無從入三國將與

路中大夫盟曰若反言漢已破矣

師古曰若汝也反謂反易其辭也

齊趣下三國

不且見屠

師古曰趣讀曰促

路中大夫既許至城下望見齊王曰漢已發

兵百萬使太尉亞夫擊破吳楚方引兵救齊齊必堅守無下三國

將誅路中大夫齊初圍急陰與三國通謀約未定會路中大夫從

漢來其大臣乃復勸王無下三國會漢將樂布平陽侯等兵至齊

師古曰平陽侯曹襄補注齊召南曰案顏注大誤曹襄以武帝元

光五年嗣爵豈容孝景初年已爲將軍案隱云案表是曹奇是也

奇薨於景帝四年則救齊擊破

三國兵乃奇未薨前一年事耳

擊破三國兵解圍已後聞齊初與

三國有謀布等破三國兵解齊圍已而復聞齊與三國有謀遂欲

伐齊也通鑑漢紀八作後則所見漢書本已誤史記正作已而復

聞齊初與三國有謀通鑑改劉瓛姪復後二字篆隸皆相似故

作後將欲移兵伐齊齊孝王懼飲藥自殺而膠東膠西濟南菑川

王皆伏誅國除獨濟北王在齊孝王之自殺也景帝聞之已爲齊

首善師古曰言其初

首無逆亂之心

呂迫劫有謀非其罪也召立孝王太子壽是

爲懿王二十三年薨子厲王次昌嗣其母曰紀太后太后取其弟

紀氏女爲王后王不愛紀太后欲其家重寵師古曰重

音直用反

令其長女

紀翁主入王宮師古曰諸王女曰翁主而

正其後宮無令得近王

欲令愛紀氏女王因與其姊翁主姦齊有宦者徐甲師古曰宦入

事漢皇太后

張晏曰皇太后武帝之母

皇太后有愛女曰脩成君脩成君非劉

氏子

蘇林曰皇太后前嫁金氏所生補注先謙曰見外戚傳

太后憐之脩成君有女娥太后

欲嫁之於諸侯宦者甲乃請使齊必令王上書請娥皇太后大喜

使甲之齊時主父偃知甲之使齊已取后事亦因謂甲卽事成幸

言偃女願得充王後宮甲至齊風已此事

師古曰風讀曰諷

紀太后怒曰

王有后後宮備具且甲齊貧人及爲宦者入事漢

補注先謙曰史記及作急下更

有乃

初無補益乃欲亂吾王家且主父偃何爲者乃欲已女充後

宮甲大窮還報皇太后曰王已願尙娥

師古曰尙配也

然事有所害恐如

燕王燕王者與其子昆弟姦坐死

師古曰燕王定國傳云與其子女三人姦子昆弟者定國之姊妹也言

女又長幼非一故云子昆弟也

一曰子昆弟者定國之姊妹也言

定國姦其子女及其姊妹補注宋祁曰浙本正文坐死字上有新

字先謙曰史

記有新字故已燕感太后

師古曰言齊王與其姊妹姦終當坐之致死不足嫁女與之太后

曰毋復言嫁女齊事寔淫聞於上

師古曰寔古浸字也寔淫猶言漸染也補注先謙曰史記

作凌湯浸得卽侵尋之
異文亦與凌注同義

主父偃由此與齊有隙偃方幸用事因言

齊臨菑十萬戶市租千金

師古曰收一市之租直千金也

人眾殷富鉅於長安

日鉅大也補注先

諱日官本無注 非天子親弟愛子不得王此今齊王於親屬益

疏乃從容言呂太后時齊欲反

師古曰從音干容反

及吳楚時孝王幾爲亂

師古曰幾音鉅依依反補注宋祁曰自及吳楚止鉅依反十七字景德本有他本無

今問齊王與其姊亂於

是武帝拜偃爲齊相且正其事偃至齊急治王後宮宦者爲王通

於姊翁主所者辭及王王年少懼大罪

補注先謙曰官本大作以引宋祁曰趙本以作大朱

一新云大

爲吏所執誅乃飲藥自殺是時趙王懼主父偃壹出敗

齊恐其漸疏骨肉乃上書言偃受金及輕重之短

師古曰輕重謂用心不平天

子亦因囚偃公孫弘曰齊王已憂死無後非誅偃無已塞天下之

望

師古曰塞滿也

偃遂坐誅厲王立五年國除濟北王志吳楚反時初亦

與通謀後堅守不發兵故得不誅徙王菑川元朔中齊國絕悼惠

王後唯有二國城陽菑川菑川地比齊

師古曰比近也音頻二反

武帝爲悼惠

王冢園在齊迺割臨菑東園悼惠王冢園邑盡呂子菑川

師古曰

繞令奉祭祀志立三十五年薨

補注先謙曰通鑑考異云武紀賜淮南菑川王几杖毋朝顏注淮南

王安菑川王志皆武帝諸父列也案諸侯王表志在位

是爲懿王

子靖王建嗣二十年薨子頃王遺嗣三十五年薨子思王終古嗣

五鳳中青州刺史奏終古使所愛奴與八子及諸御婢姦

如淳曰

終古或參與被席

師古曰與讀曰豫

或白晝使羸伏犬馬交接

師古曰

形體也音郎果反補注先謙曰官本羸作羸案羸誤羸亦俗字王

念孫云景祐本羸作羸此古字之僅存者說文羸祖也從衣羸聲

多見羸少見羸而經傳中羸字皆譌爲羸矣終古親臨觀產子輒

曰亂不可知使去其子

師古曰去除也音丘呂反

事下丞相御史奏終古位諸

侯王呂令置八子秩比六百石

補注錢大昭曰案外戚傳八子視千石比中更此是諸侯王之八子

故秋所呂廣嗣重祖也而終古禽獸行亂君臣夫婦之別悖逆人

倫

師古曰悻乖也音步內反

請逮捕有詔削四縣二十八年薨子考王尙嗣五

年薨

補注周壽昌曰五年表作六年

子孝王橫嗣三十一年薨子懷王交嗣六年

薨子永嗣王莽時絕

贊曰悼惠之王齊最爲大國呂海內初定子弟少激秦孤立亡藩

輔

師古曰激感發也音工歷反

故大封同姓呂填天下

師古曰填音竹刃反

時諸侯得自

除御史大夫羣卿呂下眾官如漢朝漢獨爲置丞相自吳楚誅後

稍奪諸侯權左官附益阿黨之法設

張晏曰諸侯有罪傳相不舉奏爲阿黨師古曰皆新制律

令之條也左官解在諸侯王表附益言欲增益諸侯王也

補注周壽昌曰左官諸侯王表注應劭曰人道爲右今舍天子而仕王侯

故謂之左官也附益二字見論語諸侯王表注張晏曰律鄭氏說

封諸侯過限曰附益顏注非匡衡傳丞相主簿陸賜曹屬明阿承

衡意環舉郡計亂減縣界附下四上擅以地附益大臣皆不道阿

黨二字見禮記月令鄭注謂治獄吏以私恩曲撓相爲也本注引

張晏曰諸侯有罪傳相不舉奏爲阿黨諸侯王表注或曰阿黨王

侯有重法也元后傳上使尙書劾奏章知野王前以王舅出補吏

而私薦之欲令在朝阿附諸侯朱博傳言

其後諸侯唯得衣食租

大司馬喜阿黨大臣無益政治皆是也

稅貧者或乘牛車

高五王傳第八

終

漢書三十八

蕭何曹參傳第九

漢書三十九

漢 蕭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級 臣王先謙補注

驚何沛人也

補注先謙曰史記作沛豐人

呂文毋害爲沛主吏掾

服虔曰爲人

也應劭曰雖爲文吏而不刻害也蘇林曰毋害若言無比也一日害勝也無能勝害之者晉灼曰酷吏傳趙禹爲丞相亞夫吏府中皆稱其廉然亞夫不任曰極知禹無害然文深不可已居大府蘇說是也師古曰害傷也無人能傷害之者蘇晉兩說皆得其意服應非也補注劉奉世曰持法者或以己意私怨陷人謂之害故貴於文毋害毋害者取其爲人毋害或以己意私怨陷人謂之害故貴蓋其時擇吏之二事也亞夫所以稱再無害廉其一節也故韓信又云無行不得推擇爲吏餘說太汎先謙曰宣紀詔云能使生者不怨死者不恨則可謂文吏矣文者循理用法之謂過於理則爲文深爲舞文集解引漢書音義云無害者如言無比陳雷問語也此無害之確詰文毋害猶言文吏之最能者耳趙明野縣解也補注師古曰周亞夫稱趙禹云極知禹無害然文深不可以居大府顏注無害言無人能勝之者謂爲無比意是也而此注云無人能傷害之則尙拘於字義不悟其爲當時語耳既言禹無害

又云然文深明無害非無嫉害不刻害之義其明服應非也案陰
引韋昭云有文理不傷害訓文爲有文理是訓毋害爲無傷害非
也續志郡國秋冬遣無害吏案訊諸囚平其罪法謂遣吏能最高
者劉昭注律有無害都吏猶今言公平吏天下豈有公平而文深
者劉注誤矣墨子說令篇請擇吏之忠信者無害可任事者案無
害可任事者猶云最能可任事者也論衡程材篇論文吏云巧習
無害文高德少巧習無害猶言巧習無比是無害二字言高祖爲
吏高下皆可施用案隱主吏功曹也主吏掾即功曹掾高祖爲
布衣時數已吏事護高祖高祖爲亭長常佑之師古曰佑助也言
居家時爲何所護
及爲亭長何又據助也補注宋祁曰注文高祖已吏縣咸陽師古曰
也字當作之字先謙曰史記作常左右之
讀曰儒儒役也補注吏皆送奉錢三何獨已五師古曰出錢曰資
先謙曰官本役作役
獨五百奉音扶用反補注先謙曰案隱劉秦御史監郡者與從事
氏云時錢有重者一當百故有送錢三者秦御史監郡者與從事
辨之事也張晏曰何與其事備辨明何素有方略也蘇林曰時何與從
日此句先題目下事言秦制御史監郡者凡有事皆與從事其辨
之錢大昭曰辨治也秦時御史監郡郡中事皆與從事其辨之何
爲泗水卒史卽從事也蘇顏何迺給泗水卒史師古曰泗水郡沛
說皆失之先謙曰秦時沛屬泗水郡漢乃屬沛
火補注周壽昌曰秦時沛屬泗水郡漢乃屬沛沛
郡也案隱如氏云案律郡卒史書佐各十人沛
事第一師古曰沛
最上補注

齊召南曰案事字應屬上句言何給泗水郡卒史事也第一卽是課最上不必有事字舊讀非秦御史欲入言徵

何何固請得毋行

孟康曰當還入相秦事故召何也師古曰此說非也御史已何明辨欲因入奏事之次言於朝

廷徵何用之何心不願

臣情因請而御史止故得不行及高祖起也補注沈欽韓曰漢刺史一奏事京師秦法當然

爲沛公何當爲丞督事

師古曰督謂監視之也沛公至咸陽諸將何爲沛丞專督軍事

沛公至咸陽諸將

皆爭走金帛財物之府分之

師古曰走謂趨向之走音秦補注先謙曰官本音上無走字

何獨

先入收秦丞相御史律令圖書藏之沛公具知天下隄塞戶口多

少彊弱處民所疾苦者曰何得秦圖書也初諸侯相與約先入關

破秦者王其地沛公既先定秦項羽後至欲攻沛公沛公謝之得

解羽遂屠燒咸陽與范增謀曰巴蜀道險秦之遷民皆居蜀迺曰

蜀漢亦關中地也故立沛公爲漢王而三分關中地王秦降將曰

距漢王

補注宋祁曰浙本距字下有塞字

漢王怒欲謀攻項羽周勃灌嬰樊噲皆

勸之何諫之曰

補注宋祁曰謝郭去之字浙本無之字齊召南曰漢王就國漢中一段史記所缺而班氏補之何爲

漢功臣之首宜也

雖王漢中之惡不猶愈於死乎

師古曰愈勝也補注漢先諫曰官本無注

王曰何爲乃死也

補注宋祁曰乃字疑作逝

何曰今眾弗如百戰百敗不死何

爲周書曰天子不取反受其咎

師古曰周書者本與尙書同類蓋孔子所刪百篇之外對向所奏有

七十一篇補注沈欽韓曰周書見存者無此語太公金匱語曰天

云天與不取反受其殃

越語范蠡曰天與不取反爲之災語曰天漢其稱甚美

孟康曰語古語也言地之有漢若天之有河漢名號

休美臣瓚曰流俗語云天漢其言常曰漢配天此美

名也師古曰瓚說是也天漢河漢也補注宋祁曰注文河漢當

作天河沈欽韓曰詩雲漢疏引河圖括地象云河精上爲天漢夫

能詘於一人之下而信於萬乘之上者湯武是也

師古曰信讀曰伸古通用字補注沈欽韓曰文選注五十五引太公金匱曰屈一人之下申萬人

之上武王曰諸著金版寶策或謂韓王語同此萬乘當爲萬人

臣願大王王漢中養其民呂致賢人收用巴蜀還定三秦天下可

圖也漢王曰善乃遂就國呂何爲丞相何進韓信漢王呂爲大將

軍補注先諫曰以爲大將而稱曰將軍說漢王令引兵東定三秦

信傳可證此時尙無大將軍官名也

補注先諫曰官本無王字引宋語在信傳何呂丞相畱收巴蜀填

鄴曰浙本說漢字下有王字

撫諭告

師古曰頃音竹忍反補注先謙曰官本注忍作刃是

使給軍食漢二年漢王與諸侯

擊楚何守關中侍太子治櫟陽爲令約束立宗廟社稷宮室縣邑

輒奏上可許呂從事

師古曰可其所奏許其所請依呂行事

卽不及奏輒呂便宜施

行上來呂聞

應劭曰上來還乃呂所爲聞也

計戶轉漕給軍漢王數失軍逃去何

常興關中卒輒補缺上呂此刺屬任何關中事

師古曰刺讀與專同又音章阮反此

卽言專聲之急上者也又俗語猶然他皆類此屬音之欲反補注先謙曰史記刺作專

漢三年與項羽相距

京索間

師古曰索音山客反

上數使使勞苦丞相

師古曰勞音來到反次下亦同

鮑生謂何

曰

師古曰鮑生當時有議之士姓鮑而爲諸生也補注沈欽韓曰書中言轅生王生之類甚多皆謂先生也師古以爲諸生妄也

今王暴衣露蓋數勞苦君者有疑君心爲君計莫若遣君子孫昆

弟能勝兵者悉詣軍所上益信君於是何從其計漢王大說

師古曰說

悅

漢五年已殺項羽卽皇帝位論功行封羣臣爭功歲餘不決

上呂何功最盛先封爲鄼侯

文穎曰音贊師古曰先封何者謂諸功臣舊未爵者何最在前封也鄼屬

南陽解任高紀補注宋祁曰索隱鄧氏云鄧屬沛郡音嵯屬南陽

音贊又臣瓚案茂陵書謂何國在南陽則字當音贊今多呼爲嵯

也先謙曰官本注宋作有齊召南云案功臣表六年十二月甲申

封曹參斬飲夏侯嬰王吸傅寬召歐時歐陳濟陳嬰陳平凡十侯

至正月丙午封張良劉繆蕭何周勃樊噲酈商灌嬰周昌武虎董

謀孔聚陳賀陳稀共十二侯其餘功臣未封者尚多卽上文所云

羣臣爭功歲餘不決者也注舊有爵者疑應作未封爵者先謙案

何先封沛郡之郿而後封南陽之鄧此先封者作郿音嵯傳寫並

作鄧耳音嵯者沛郡縣今襄陽府光化縣北食邑八千戶功臣皆曰

西南音贊者南陽縣今襄陽府光化縣北食邑八千戶功臣皆曰

臣等身被堅執兵補注先謙曰多者百餘戰少者數十合攻城略

地大小各有差今肅何未有汗馬之勞徒持文墨議論不戰願居

臣等上何也師古曰願猶反也上曰諸君知獵乎曰知之知獵狗乎曰知

之補注宋祁曰謝郭本去上曰夫獵追殺獸者狗也而發縱指示

之知獵狗乎曰知之師古曰發縱謂解縱而放之也指示者以手指示之

獸處者人也師古曰發縱謂解縱而放之也指示者以手指示之

也書本皆不爲蹤字自有逐蹤之狗不待人發也補注錢大昕曰

說文無蹤字蹤蹟字古作縱隸釋郭仲奇碑云有山甫之縱又云

徵縱顯魯峻碑云比縱豹產趙罔令碑云羨其縱高外黃碑云其

與比縱夏承碑云紹縱先軌皆是也小顏乃疑非蹤蹟之蹤誤矣

與比縱夏承碑云紹縱先軌皆是也小顏乃疑非蹤蹟之蹤誤矣

與比縱夏承碑云紹縱先軌皆是也小顏乃疑非蹤蹟之蹤誤矣

與比縱夏承碑云紹縱先軌皆是也小顏乃疑非蹤蹟之蹤誤矣

先謙曰史記作蹤足證

今諸君徒能走得獸耳

補注吳仁傑曰史記作得走獸案上

緣蹤通用顏注非是

文追殺獸者狗也而發縱指示者人也所謂走得獸者謂其追而

殺之耳云得走獸則乖本指矣王仲任亦云高祖行封先及蕭何

蕭何安坐樊

功狗也至如蕭何發縱指示功人也且諸君獨目身

從我多者三兩人蕭何舉宗數十人皆隨我功不可忘也羣臣後

皆莫敢言列侯畢已受封奏位次

補注齊召南曰案十侯位次定於此時

皆曰平陽

侯曹參身被七十創攻城略地功最多宜第一上已橈功臣多封

何應劭曰橈屈也師古曰音女教反

至位次未有已復難之然心欲何第一關內

侯鄂千秋時爲謁者

補注先謙曰官本作鄂秋引宋祁曰漸本作鄂千秋周壽昌云各本俱作鄂秋功臣表亦

作鄂秋無千字史表亦作千進曰羣臣議皆誤夫曹參雖有野戰

略地之功此特一時之事夫上與楚相距五歲失軍亡眾跳身遜

者數矣

師古曰跳身謂輕身走出也補注周壽昌曰跳史記作逃據文下有遜字作跳爲是

然蕭何常從關

中遣軍補其處非上所詔令召而數萬眾會上乏絕者數矣夫漢

與楚相守榮陽數年軍無見糧

師古曰無見在之糧

蕭何轉漕關中給食不

乏陛下雖數亡山東蕭何常全關中待陛下此萬世功也今雖無

曹參等百數何缺於漢

師古曰數音所具反

漢得之不必待呂全柰何欲曰

一旦之功而加萬世之功哉

補注先謙曰官本無而字引宋祁曰浙本加字上有而字

蕭何當

第一曹參次之上曰善於是乃令何第一

補注先謙曰史記賜第一二字當依此訂

帶劔履上殿入朝不趨上曰吾聞進賢受上賞蕭何功雖高待鄂

君適得明於是因鄂千秋故所食關內侯邑二千戶封爲安平侯

補注先謙曰官本無千字引宋祁曰浙本作鄂千秋

是日悉封何父母兄弟十餘人

補注先謙曰父

母史記作父子

皆食邑乃益封何二千戶曰嘗蘇咸陽時何送我獨贏錢

二也

師古曰贏餘也二謂二百也舉人送皆三百何獨五百故云贏二也

陳豨反上自將至邯鄲而

韓信謀反關中呂后用何計誅信語在信傳上已聞誅信使使拜

丞相爲相國

補注齊召南曰案丞相紫綬相國則綠綬矣漢初相國惟何及曹參二人自參薨後卽仍稱丞相又案何

爲相國在淮陰既誅之後此傳甚明而公卿表乃列於九年誤也
若在九年則韓尙未叛信尙未誅矣當以此傳爲正在十一年周

韓昌曰高帝卽位置一丞相至是更名相國

益封五千戶令卒五百人一都尉爲相國

衛諸君皆賀召平獨弔

師古曰召平古曰邵

召平者故秦東陵侯秦破爲布

衣貧種瓜長安城東瓜美故世謂東陵瓜從召平始也

師古曰先謙曰史記始

也作以爲名也

平謂何曰禍自此始矣上暴露於外而君守於內非被矢

石之難而益君封置衛者已今者淮陰新反於中有疑君心夫置

衛衛君非已寵君也

師古曰恐其爲變故守衛之補注宋祁曰浙本句末有也字

願君讓封勿

受悉已家私財佐軍何從其計上說

師古曰說讀曰悅

其秋黥布反上自

將擊之

補注宋祁曰舊本作上自將軍浙本無軍字

數使使問相國何爲

師古曰問其居守何所營

爲曰爲上在軍拊循勉百姓

補注先謙曰史記曰作相國二字勉下有力量是也無力字不成句史記

作相國實事此作日乃對使者語矣

悉所有佐軍如陳豨時

師古曰悉盡也盡所有糧食資用出已佐軍也

客又說何曰君滅族不久矣夫君位爲相國功第一不可復加然

君初入關本得百姓心十餘年矣皆附君尙復孽孽得民和師古

字與政同政政言不怠也補上所謂數問君補注宋祁曰此疑有

同史記作畏君傾動關中今君胡不多買田地賤賣補注宋祁曰此疑有

爲有者字心必安師古曰賈賈也於是其計上乃大說師古曰說上罷

布軍歸民道遮行師古曰在道上書言相國彊賤買民田宅數千

人補注先謙曰史記上至何謂上笑曰今相國適利民補注先謙

所有以民所上書皆曰與何曰君自謝民後何爲民請曰長安地

隱上林中多空地棄願令民得入田毋收粟爲獸食師古曰粟禾

田之不收其粟稅也粟音工老反釋音工旱反補注劉攽曰言母

收粟草爲獸食而已沈欽韓曰此棄地本種粟給獸食今令民田

取粟也上大怒曰相國多受賈人財物爲請吾苑乃下何廷尉械

繫之數日王衛尉侍如淳曰百官公卿表衛尉王氏無名前問曰

相國胡大罪陛下繫之暴也師古曰前問謂進上曰吾聞李斯相

秦皇帝有善歸主有惡自予今相國多受賈豎金爲請吾苑曰自

媚於民

師古曰媚愛也求愛於民補注先謙曰官本求作取

故繫治之王衛尉曰夫職專苟

有便於民而請之眞宰相事也陛下柰何乃疑相國受賈人錢乎

補注宋祁曰浙本作民人先謙曰史記作賈人

且陛下距楚數歲陳豨黥布反時陛下自

將往當是時相國守關中搖足則關西非陛下有也

補注先謙曰史

記不重中二字

相國不曰此時爲利乃利賈人之金乎且秦曰不聞其

過亡天下夫李斯之分過又何足法哉陛下何疑宰相之淺也上

不懌

師古曰懌悅也感衛尉之言故懌悔而不悅也補注先謙曰官本悔作愧帝不欲何布德於民故繫治之而衛尉之言正

不能不勉從故不懌非感言而懌悔也

是日使使持節赦出何何年老素恭謹徒跣

入謝上曰相國休矣

師古曰令出外自休息

相國爲民請吾苑不許

補注先謙曰官

本吾字在苑下引宋祁曰越本作相國爲民請吾苑不我不過爲許錢大昭云南監本闕本吾字在苑下先謙案史記同

桀紂主而相國爲賢相吾故繫相國欲令百姓聞吾過高祖崩何

事惠帝何病上親自臨視何疾

補注宋祁曰
新本無親字

因問曰君即百歲後

誰可代君對曰知臣莫如主帝曰曹參何如何頓首曰帝得之矣

何死不恨矣

補注周壽昌曰高紀帝崩時呂后問相帝已定何後
爲參茲云惠帝發問始爲參者殆帝恐何意有可否

也紀傳各就當時
語書之非有異同

何買田宅必居窮僻處

師古曰辟讀
曰辟僻也爲家不治

垣屋

師古曰
垣牆也

曰令後世賢師吾儉不賢母爲執家所尊孝惠二年

何薨

補注先謙曰集解引東觀漢記云蕭何墓在長陵東司馬門
道北百步正義引括地志蕭何墓在雍州咸陽縣東北三十

里諡曰文終侯子祿嗣薨無子高后乃封何夫人同爲鄴侯小子

延爲筑陽侯

師古曰鄴及筑陽皆南陽縣也今其地見屬襄州筑
音延補注周壽昌曰史表慈侯同元年是同諡慈也

而無其母家姓先謙
曰官本注見作並

孝文元年罷同更封延爲鄴侯

補注先謙曰據侯表則紹
封武關非嘉也疑表誤

無子文帝復曰遺弟則嗣有罪免

補注先謙曰據侯表則紹
封武關非嘉也疑表誤

二年制詔御史故相國蕭何高皇帝大功臣所與爲天下也

師古
曰爲

治也亦曰其
逸其功業

今其祀絕朕甚憐之其曰武陽縣戶二千封何孫嘉

爲列侯嘉則弟也薨子勝嗣後有罪免武帝元狩中復下詔御史

呂鄴戶二千四百封何曾孫慶爲鄴侯布告天下令明知朕報

相國德也慶則子也薨子壽成嗣坐爲太常儀性瘦兒補注先謙曰儀當作

儀官本不誤宣帝時詔丞相御史求問蕭相國後在者得玄孫建世等

十二人復下詔呂鄴戶二千封建世爲鄴侯傳子至孫獲坐使奴

殺人減死論成帝時復封何玄孫之子南嶽長喜爲鄴侯蘇林曰

足舉雖之崇鉅鹿縣名也傳子至曾孫王莽敗乃絕補注先謙曰

師古曰喜爲此縣之長年喜曾孫禹嗣建國元年更爲蕭鄉侯莽敗絕

曹參補注先謙曰索隱引春秋緯沛人也秦時爲獄掾而蕭何爲

主吏居縣爲豪吏矣師古曰言參及蕭何並爲吏之豪長也高祖爲沛公也參呂中

涓從如淳曰中涓如中謁者也師古曰涓絮也言其在內主知絮

中涓其名蓋始於戰國聯內舍擊胡陵方與師古曰音房豫補注

將攻秦監公軍大破之孟康曰監御史監郡者公名也晉灼曰案

日公者時人尊稱之耳晉說是也補注齊召南曰案監泗水郡御

史名平不特高紀可證賈侯嬰傳從攻胡陵嬰與蕭何降泗水監

平平以胡陵降東下薛擊泗水守軍薛郭西復攻胡陵取之徙守

方與方與反爲魏擊之豐反爲魏補注先謙曰高紀時攻之賜爵

七大夫北擊司馬欣軍碭東補注齊召南曰史記欣作尼是也高

此人尼尼二字相似未取狐父祁善置文穎曰善置置名也晉灼

知孰正但必非欣耳二縣名也祁音鉅夷反又音十夷反父音甫置若今之驛也補注

沈欽韓曰狐父祁邑聚名非縣也伍被傳吳王破大梁敗狐父史

正義引括地志云狐父亭在宋州碭山縣東南三十里故祁城在

宋州下邑縣東北四十九里先謙曰史記取下有碭字是與高紀

合凡與紀合者地不復出又攻下邑呂西至虞擊秦將章邯車騎

言取狐父及祁之善置補注先謙曰史記作爰威今濟甯州嘉

攻轅戚補注先謙曰史記作爰威今濟甯州嘉及亢父補注古曰亢

先登遷爲五大夫北救東阿補注先謙曰高紀章邯圍田榮東阿

或爲東阿周勃傳擊秦軍阿下卽此北救東阿擊章邯軍也曹相

國世家索隱單行本作北救阿無東字蓋後人傳改致有參差

擊章邯軍陷陳追至濮陽攻定陶取臨濟

補注先謙曰此臨濟在

魏以爲潁州高苑縣西北誤

南救雍丘擊李由軍破之殺李由虜秦候一人章

邯破殺項梁也沛公與項羽引兵而東楚懷王曰沛公爲碭郡長

將碭郡兵於是乃封參執帛

鄭氏曰楚爵也張晏曰孤卿也補注

曰禮孤執帛楚當王號故次於

號曰建成君遷爲戚公屬碭郡

執珪高祖初起官爵皆從楚制

號曰建成君遷爲戚公屬碭郡

師古曰爲威縣之令補注先謙曰正義卽爰威也時

其後從攻東

郡尉軍破之成武南擊王離軍成陽南又攻杠里大破之

補注先謙曰

高紀破成陽杠里在秦二年後九月破成武

追北西至開封擊趙

賁軍破之

師古曰賁音奔圍趙賁開封城中西擊秦將楊熊軍於曲遇

曰曲音丘

破之虜秦司馬及御史各一人遷爲執珪

張晏曰侯伯執珪呂

朝位比之如宿曰呂氏春秋得五員者位執珪古爵名也補注

從先謙曰官本五作伍案漢書伍姓皆作五其作伍者後人改之從

西攻陽武下轅轅緄氏補注先謙曰陽武縣東南二十八里緄氏今河南

府便師縣南續志絕河津擊趙賁軍尸北破之孟康曰尸鄉之北

尸鄉在個師從南攻犍與南陽守騎戰陽城郭東應劭曰今堵陽

北三十里一統志堵陽故城在南陽府裕州東六里本秦陽城縣漢改名即

本應劭此注也案地理志但云堵陽莽曰陽城不言本秦陽城

陷陳取宛虜騎定南陽郡師古曰高紀言南陽守騎降封爲殷侯

先謙曰虜謂生致之先虜從西攻武關峽關取之師古曰前攻秦

後封事理自合非誤也軍藍田南又夜擊其北軍大破之遂至咸陽破秦項羽至呂沛公

爲漢王漢王封參爲建成侯從至漢中遷爲將軍從還定三秦攻

下辨故道鄧展曰武都二縣也補注先謙曰下辨道在今雅

日右扶風二縣也補注先謙曰雅中府鳳縣西北擊章平軍於好時南

破之補注先謙曰今乾國好時取壤鄉文穎曰壤地名也補注先

縣東南二十餘里好時村擊三秦軍壤東及高櫟破之師古

唐武功縣在今武功縣西南歷復圖章平平出好時走因擊趙賁內史保軍破之東取咸陽更

名曰新城

補注先謙曰地理志右扶風渭城故咸陽高帝元年更名新城

參將兵守景陵二十三

日

孟康曰縣名也補注先謙曰官本注在景陵下史記作二十日景陵無考

三秦使章平等攻參參出

擊大破之賜食邑於寧秦

蘇林曰今華陰補注先謙曰地理志寧秦高帝八年更名華陰

呂將軍

引兵圍章邯廢丘呂中尉從漢王出臨晉關至河內下脩武度園

津

師古曰在東郡補注先謙曰据河水注東郡白馬縣有章鄉故河津亦有章津之稱章園通借字成紀大木十圓以上圓作章

證

可互

東擊龍且項佗定陶破之

師古曰且音子餘反佗音徒何反

東取碭蕭彭城

二年

補注先謙曰此漢二年彭城之役

擊項籍軍漢軍大敗走參呂中尉圍取雍丘王

武反於外黃程處反於燕

服虔曰皆漢將師古曰燕東郡之縣故南燕國音一千反補注先謙曰史記外

黃

作黃集解引徐廣云內黃縣有黃澤案樊噲灌嬰傳作外黃是也徐說誤外黃陳留縣今開封府杞縣東六十里燕今衛輝府延

津縣東三

往擊盡破之柱天侯反於衍氏

補注沈欽韓曰一統志衍氏在今開封府鄭州

北三十里先謙曰

進破取衍氏擊羽嬰於昆陽追至葉

師古曰葉南陽縣也

索隱衍氏魏邑

音式涉反補注先謙曰羽嬰人姓名昆陽

還攻武彊

師古曰武彊城在陽武補

注錢大昭曰高帝封莊不議爲武彊侯卽此地先謙曰

正義括地志武彊故城在鄭州管城縣東北三十一里因至滎陽

補注先謙曰高帝時在滎陽參自漢中爲將軍中尉從擊諸侯及項王敗還至

滎陽師古曰敗謂戰彭城而敗漢二年拜爲假左丞相補注周壽昌曰此猶後世之虛銜也元年蕭何

已與拜入屯兵關中月餘魏王豹反呂假丞相補注宋祁曰蕭本假字下有左字先

謙曰史記別與韓信東攻魏將孫邀東張蘇林曰東張屬河東師古曰邀古速字補注宋

有左字別與韓信東攻魏將孫邀東張蘇林曰東張屬河東師古曰邀古速字補注宋

攻某軍擊某軍脫去軍字則語意不完涑水注引此有軍字史記同先謙曰涑水注涑水西南逕張陽城東竹書紀年齊師逐鄭太

子高奔張城南鄭者也漢書之所謂東張矣正義引括地志云東張城在蒲州虞鄉縣西北四十里先謙案唐之虞鄉卽今虞鄉縣治也一統志今平陽府浮山縣西南三十里有東張鎮大破

之因攻安邑得魏將王襄擊魏王於曲陽追至東垣補注沈欽韓曰紀要曲陽

城在絳州絳縣東南或曰在曲沃之陽故曰曲陽垣縣城在絳州垣曲縣西二十里一名垣亦曰武垣博物記王屋山在縣東狀如垣故縣亦有東垣之稱解史記者以定州瀛州屬縣當之不知

魏豹都安邑今之解州豈能遠越至真定河間乎梁玉繩曰曲陽乃陽曲之誤太原縣也陽曲抵垣不甚生獲魏王豹取平陽得豹

是以追及之史記作武垣武字衍

母妻子盡定魏地凡五十二縣賜食邑平陽因從韓信擊趙相國

夏說軍於鄆東

蘇林曰鄆太原縣也師古曰說讀曰悅鄆音一戶反又音乙據反補注沈氏韓曰陳餘傳餘爲代王

夏說趙王而使

夏說以相國守代此夏說自爲代相也

大破之斬

韓信傳夏說代相也其說是矣此作趙蓋誤夏說韓信與故常山王張耳引兵下井陘擊成安君陳餘而令參

暹圍趙別將戚公於鄆城中戚公出走追斬之迺引兵詣漢王在

所韓信已破趙爲相國東擊齊參弓左丞相屬焉攻破齊歷下軍

遂取臨淄還定濟北郡收著濞陰平原鬲盧

師古曰五縣名也時未有濟北郡史追書

之耳著音竹庶反又音直庶反濞音它合反鬲與隔同補注錢大

昕曰項羽封田安爲濟北王都博陽田榮攻殺安并三齊之地因

以濟北爲郡非追書也先謙曰著濟南縣濞陰在今臨邑縣西

平原縣

盧泰山縣著在今濟陽縣西南濞陰在今臨邑縣西

平原縣

今平原縣南二十里鬲縣今德州北

已而從韓信擊龍且軍於上

盧今長清縣西三十里並屬濟南府

假密文穎曰或以爲高密補注先謙曰濞水注濞水逕高密縣故

城西又北韓信斬龍且於是水案假密即高密也高假雙聲

有下密縣故此稱上假密高密縣今萊州府

大破之斬龍且

高密縣西南下密膠東縣今萊州府昌邑縣東

前卷三十九

虜亞將周蘭

師古曰亞將次將也

定齊郡凡得七十縣

補注先謙曰史記云七十餘縣得故

齊王田廣相田光其守相許章及故將軍田既

師古曰守相爲相居守者韓信

立爲齊王引兵東詣陳與漢王其破項羽而參留平齊未服者漢

王卽皇帝位韓信徙爲楚王參歸相印焉高祖曰長子肥爲齊王

而呂參爲齊相國

補注先謙曰官本無齊字引宋祁曰相國字上當有齊字

高祖六年與諸侯

剖符賜參爵列侯食邑平陽萬六百三十戶世世勿絕參呂齊相

國擊陳豨將張春破之黥布反參從悼惠王將車騎十二萬與高

祖會擊黥布軍大破之南至蕪還定竹邑相蕭留

師古曰四縣名補注先謙曰竹

邑在今鳳陽府宿州北二十里相今宿州西北蕭今徐州府蕭縣西北並漢沛郡縣畱今徐州府沛縣東南漢楚國縣

參功

凡下二國縣百二十二得王二人相三人將軍六人大莫臨郡守

司馬候御史各一人

如淳曰驪音敖張晏曰莫敖楚鄉號也時近六國故有令尹莫敖之官補注先謙曰官本

侯作侯史記亦作侯卽前云齊秦候一人也

孝惠元年除諸侯相國法更呂參爲齊丞

相參之相齊齊七十城

補注錢大昕曰吳王與傳悼惠王王齊七十二城高五王傳亦云食七十餘城此云

七十者舉成數也

天下初定悼惠王富於春秋參盡召長老諸先生問所

呂安集百姓而齊故諸儒百數

師古曰數音所具反補注先謙曰史記故下衍俗字當依此訂

言人人殊參未知所定聞膠西有蓋公

師古曰蓋音古蓋反善治黃老言

曰黃帝老子之書

使人厚幣請之既見蓋公蓋公爲言治道貴清靜而民

自定推此類具言之參於是避正堂舍蓋公焉

師古曰舍止也補注周壽昌曰正堂

齊丞相治事之堂五行志曰食條下有云避正堂後書章帝紀幸元氏祠光武顯宗於縣舍正堂皆官舍之正堂也其治要

用黃老術故相齊九年齊國安集大稱賢相蕭何薨參聞之告舍

人趙治行

師古曰舍人猶家人也一說私屬官主家事者也趣譚曰促謂速也治行謂脩治行裝也補注宋祁曰浙本注

文作猶言家人也先謙曰通鑑胡注據戰國策蘇秦使舍人資送張儀於秦李斯爲呂不韋舍人謂爲私屬官可也以爲主家事則

拘吾且入相居無何使者果召參參去屬其後相
師古曰屬音之欲反曰曰

齊獄市爲寄慎勿擾也後相曰治無大於此者乎參曰不然夫獄

市者所已并容也今君援之姦人安所容乎吾是已先之

孟康曰夫獄市

者兼受善惡若窮極姦人姦人無所容故久且爲亂秦人極刑而天下時孝武峻法而獄繁此其効也師古曰老子云我無爲民自

化我好靜民自正參欲以道化爲本不欲擾其末也補注來補曰

浙本注文無師古曰三字先謙曰浙本是也史集解引並作漢書

音義則皆始參微時與蕭何善及爲宰相有隙師古曰參自已戰

孟說矣在何後故怨何也補注劉奉世曰此特師古意料之爾先至何且

謙曰史記宰相作將相是宰相文否則爲上當加何字死所推賢唯參參代何爲相國舉事無所變更壹遵何之約束師

日舉皆也言凡擇郡國吏長大孟康曰取訥於文辭謹厚長者即

事皆無變改召除爲丞相補注何焯曰謹厚長者其爲治乃能務與秦吏相

害必事事思順民吏言文刻深欲務聲名輒斥去之師古曰日夜

情與之休息也飲酒卿大夫呂下吏及賓客見參不事事如淳曰不事來者皆欲

有言至者參輒飲呂醇酒師古曰醇酒不度之欲有言復飲酒醉

而後去師古曰度音大各反飲音於禁反補注先謙曰終莫得開

度之史記作開之猶言頃之也此謂揣度之

說如酒曰醕謂有所飲白

曰爲常相舍後園近吏舍吏舍曰飲歌呼師古曰呼音火

故反其

下並同從吏患之無如何

師古曰從吏吏之常從相者也從音材用反補注先謙曰史記患之作惡之

通請參遊後園聞吏醉歌呼從吏幸相國召按之乃反取酒張坐

飲

師古曰張談坐席而飲也坐音才臥反

大歌呼與相和參見人之有細過掩匿覆

蓋之府中無事參子窋爲中大夫

師古曰窋音張律反

惠帝怪相國不治事

曰爲豈少朕與

師古曰言豈曰我爲年少故也與讀曰欺補注王念孫曰索隱少者不足之詞故胡亥亦云丞相豈

少我哉案小司馬說是也晏子春秋外篇亦云夫子何少寡人之甚也迺謂窋曰女歸試私

從容問乃父

師古曰乃汝也

曰高帝新棄羣臣帝富於春秋君爲相國日

飲無所請事何曰憂天下然無言吾告女也窋既洗沐歸時聞自

從其所諫參

師古曰聞謂空際也自從其所猶言自出其意也

參怒而笞之二百曰趣入

侍讀師古曰趣

天下事非乃所當言也至朝時帝讓參

師古曰讓責也曰與

窋胡治乎

師古曰胡何也言其窋爲何治也治音文吏反補注陳景雲曰漢人以笞掠爲治治卽笞耳鐵大斷曰與窋胡

治猶言胡與密
答也陳說是

乃者我使諫君也

師古曰乃者猶言曩者

參免冠謝曰陛下

自察聖武孰與高皇帝上曰朕乃安敢望先帝參曰陛下觀參孰

與蕭何賢

補注宋祁曰蕭本觀參字下有能字先謙曰史記亦有能字與如也賢優也言材能孰優蕭本是上曰

君似不及也參曰陛下言之是也且高皇帝與蕭何定天下法令

既明具陛下垂拱參等守職遵而勿失不亦可乎惡帝曰善君休

矣

師古曰且令出休息

參爲相國三年薨諡曰懿侯百姓歌之曰蕭何爲法

講若畫一

文預曰講或作較師古曰講和也畫一言整齊也補注先謙曰史記講作顏徐廣注顏音古項反一音較錢大

昭云講與顏同顏即角斗而之角說文精平斗解也辭較通川顏

譌皆借字王念孫云索隱單行本顏作嚴集韻三講因覺兩引史

記並云或作觀而說文王篇廣

顏皆無顏字則顏即觀之譌曹參代之守而勿失載其清靜民

曰寧壹

師古曰載舊乘也補注錢大昭曰靜南監本閩本作靖王念孫曰載行也說文載與載同載與載同載與載同載與載同

治也顏訓載爲乘失之

先謙曰官本靜作靖 宦嗣侯高后時至御史大夫傳國至曾孫

襄武帝時爲將軍擊匈奴薨

補注先謙曰據史記蒯孫時尚平陽公主時子襄尚衛長公主子宗

嗣有罪完爲城旦

補注先謙曰史記云征和二年宗坐太子死侯表與傳同班蓋正史記之誤

至哀帝

時乃封參玄孫之孫本始爲平陽侯

補注錢大昕曰案功臣表本始乃參元孫之元孫傳元

字二千戶王莽時薨子宏嗣建武中先降河北封平陽侯

補注先

云建武二年侯宏嗣以舉兵佐軍

至今八侯

補注劉攽曰入侯字

紹封非莽所侯也嗣字當在封上

至今八侯

疑衍齊呂南曰案參

卿子密密子奇奇子時時子襄襄子宗參元孫本始本始子宏宏

子噴即功臣表所謂今見者也八侯似非衍文周壽昌曰案高帝

武帝紀云漢相國曹參後注引王沈魏書云參以功封平陽侯世

襲爵土絕而復紹至

今適嗣國於容城

贊曰蕭何曹參皆起秦刀筆吏

師古曰刀所已削書也古者用簡牒故吏皆已刀筆自隨也

時錄錄未有奇節

師古曰錄錄猶鹿鹿言在凡庶之中也

日月之末光

師古曰易文言云聖人作而萬物覩又曰見龍在田天下文明贊言何參值漢初興故曰日月爲喻耳

何呂信謹守管籥參與韓信俱征伐師古曰高祖出征何天下既

定因民之疾秦法順流與之更始二人同心遂安海內淮陰黥布

等已滅唯何參擅功名位冠羣臣聲施後世

師古曰冠謂居其首爲一代之

宗臣

師古曰言爲後世之所尊仰故曰宗臣也補注先謙曰官本無之字

慶流苗裔盛矣哉

蕭何曹參傳第九

終

漢書三十九

張陳王周傳第十

漢書四十

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級 臣王先謙補注

張良字子房其先韓人也大父開地應劭曰大父祖父開地名也補注沈欽韓曰荀子臣道篇

韓之張去疾趙之奉陽齊之孟當可謂稟臣也楊倞注蓋張良之祖韓非說林張譴相韓病將死公乘無正橫三十金而問其疾案

張譴之相當在公仲公叔之後荀子與韓非俱並時曰擊者當非妄說而史名開地名平無一同者又王符氏姓志云良韓公族姬

姓良爲韓報讎秦索賊急乃變姓爲張匿於下相韓昭侯宣惠王

邳今攷諸書則良之先以張爲氏符言非也相韓昭侯宣惠王

襄哀王父平相釐王師古曰釐讀曰僖悼惠王補注錢大昭曰人表作桓惠王先謙曰索隱韓世家

及世本悼惠王二十三年平卒卒二十歲秦滅韓良年少未宦事

並作桓悼惠王二十三年平卒卒二十歲秦滅韓良年少未宦事

韓補注宋祁曰臣疑是富字錢大昭曰閔本官作富周壽昌曰何韓堽云北宋本無年字先謙曰凌稚陸云一本未下有富字案史記作未韓破良家僮三百人弟死不葬悉呂家財求客刺秦王爲

韓報仇已五世相韓故

師古曰從昭侯至悼惠王凡五君

良嘗學禮淮陽

補注先

正義今陳州府淮甯縣治

陽今陳州府淮甯縣治

東見倉海君

晉灼曰海神也如消曰東夷君長也師古曰二說並

非蓋當時賢者之號也良既見之因而求得力士

補注沈欽韓曰越絕云楚威王滅無疆無疆之子侯竊自立爲君長倉海君蓋諸

粵之君長先諫曰索隱姚察以武帝時東夷

得力士爲鐵椎重百

二十斤秦皇帝東游至博狼沙中

服虔曰河南陽武縣有博狼沙鄉音浪補注先謙

日史記狼作浪地理志河南陽武縣有博狼沙鄉音浪補注先謙東南五里漢陽武縣城在今懷慶府陽武縣東南二十八里

與客狙擊秦皇帝

師古曰狙謂密伺之音千豫反字本作覲補注

必伏而候之故誤中副車

師古曰副謂後乘也補注先謙曰索隱

今云狙候是也

漢官儀天子屬車三十六乘屬車卽副

車奉車郎

師古曰索隱

更名姓亡匿下邳

師古曰更改也補注先謙曰下邳東海縣今徐州府邳州東三里

步游下邳圯上

服虔曰圯音頤楚人謂橋曰圯應劭曰汜水之上

也又非沂水服說是矣補注張僖曰案從水乃詩云江有汜及今有汜水縣字音詳里反鄒詩慎說文云東楚謂橋爲圯在土部本

從土傳寫蓋誤從汜合從土作頤音與下文直墜其版汜下並作
汜字校定劉劭曰予謂若本質作汜則應劭無緣解作汜上從汜
亦自爲頤音而釋爲橋也譬如驪辭作濞辭矣然則汜字從水亦
未爲誤而校定亦未宜從土也宋祁曰舊本汜從水張僉改作土
謂從水者是江有汜之汜音詳里反余謂僉說非也近胡旦作圯
僉贊字從水且碩儒也予嘗問之旦曰汜音頤何所疑僉說文從
圯蓋本字原後人從水未容無義俗改從土索應注爲汜水之汜
又何以辨應之誤耶用此尤見張僉之率爾也王念孫曰汜水之
汜水於下邳縣北西流分爲二水一水逕城東屈從縣南注泗謂
之小汜水水上橋徐泗間以爲汜水昔張子房遇黃石公于圯上
卽此處也據此則文穎以汜爲汜水也汜水橋是也師古不審地望而
非之誤矣沈欽韓曰淮南道應訓公孫龍至於河上而解下邳之水邊
使善呼者一呼而航來注汜水厓也此汜上者亦謂下邳之水邊
也先謙曰官本注是矣作是也汜字當從水而有二解如服說讀
汜爲圯則訓爲橋如沈引淮南注則訓爲水厓予疑汜字古本或
作沂故敘傳云漢賈受書於邳沂顏注引晉灼曰沂厓也下邳水
之厓也此注文穎云沂水上橋蓋所見有沂汜兩本因而立注水
經注小沂水之名又後人沿傳文及文說爲之附會流傳以成典
實究之古訓不如此也沂與圯通圯又與圯同故宋祁於敘傳引
章昭本作圯文選載班此文亦作圯圯字本訓厓岸足證班氏
於此傳文必解爲下邳水厓之上不以爲橋圯而沈氏汜爲水厓
之說爲不可易也章昭於作圯之本釋曰圯限也謂橋文選大將
軍蒯越詩李注引文穎沂水上橋之說有一老父衣褐至良所
以釋圯字則妄爲牽引而愈不可通矣

曰稱制若裘今道士所服者是補注宋祁曰稱制若裘服直墜其履師古曰直猶故也下師古曰直猶故也

是猶故也語本崔浩索隱駁之謂當訓正王念孫云老父墜履使

直取欲以觀其能忍與否如小司馬說是履墜出於無意失其指

矣直之言特也謂特墜其履而使取之並引補祭義穀梁文十一

年傳孟子梁惠王篇莊子德充符篇齊策韓詩外傳梁孝王世家

直特同義以釋之詩柏舟實維我特韓詩特顧謂良曰孺

作直史記叔孫通傳吾直戲耳漢書直作特尤明證顧謂良曰孺

子下取履師古曰孺幼也補注良愕然欲歐之師古曰愕驚貌也

引徐廣曰一云良怒欲罵之爲其老邁彊忍下取履因跪進

周壽昌曰釋名云跪危也兩膝墜地體危倪也古無高坐於所尊

敬跪而致物者其常禮記跪而遙履是爲己納履也此跪進履者

所謂授坐不立也張釋之爲王生跪而結轡亦是此意先

謙曰史記取履下注父曰履我良業爲取履因長跪履之父曰足

受之笑去補注宋祁曰浙本作笑而良殊大驚父去里所復還師

日行一里曰孺子可教矣後五日平明與我期此良因怪之跪曰

許而還來曰孺子可教矣後五日平明與我期此良因怪之跪曰

諾補注先謙曰官本無之字引劉放曰怪字合在因字上宋祁云

書自有此等句法非有誤劉刊五日平明良往父已先在怒曰與

非也先謙案史記亦有之字

老人期後何也去後五日蚤會

師古曰放良令去戒以後會也其下亦同蚤音早補注宋祁曰注文

蚤音早當作蚤古早字先謙曰蚤早通作字非古字也依說文當爲早

五日雞鳴往父又先在復怒

曰後何也去後五日復蚤來五日良夜半往有頃父亦來喜曰當

如是出一編書

師古曰編謂聯次之也聯簡讀以爲書故云一編編音鞭

曰讀是則爲王者師

後十年興十三年孺子見我濟北穀城山下黃石

補注先謙曰史正義引括地志

云穀城山一名黃山在濟州東阿縣東濟州故濟北郡

卽我已

師古曰已語終之辭遂去不見旦日視

其書迺太公兵法良因異之常習誦

補注宋祁云一本誦下有讀字先謙曰史記作常習誦讀

之居下邳爲任俠項伯嘗殺人從良匿後十年陳涉等起良亦聚

少年百餘人景駒自立爲楚假王在留

補注宋祁曰斷本作在陳留齊召南曰案留縣名地

理志屬楚留卽後文良所云始臣起下邳與上會留者也良欲之封留卽以此事別本作在陳留非也先謙曰高紀作在留良欲

往從之行道遇沛公沛公將數千人略地下邳遂屬焉沛公拜良

爲殿將

服虔曰官名也補注沈欽韓曰猶楚官殿尹之職

良數言太公兵法說沛公沛公

喜常用其策良爲宅人言皆不省

師古曰省視也補注先謙曰釋詁省察也顏師非

良曰

沛公殆天授

師古曰殆近也

故遂從不去

補注齊召南曰史記作故遂從之不去見景駒此班氏改正史

記之失也高紀明言沛公道得張良遂與俱見景駒沛公之辭見請兵以攻豈可見良亦見駒但自此決意從沛公耳

項梁其立楚懷王良迺說項梁曰君已立楚後韓諸公子橫陽君

成賢

補注宋祁云浙本韓字上有而字錢太昭曰功臣表傳寬以舍人從起橫陽卽成所封地

可立爲王益樹

黨

師古曰黨立六國之後共攻秦也

項梁使良求韓成立爲韓王良爲韓司徒

補注周壽昌曰司徒史記作中徒徐廣云卽司徒語音訛轉故字亦隨改案楚漢春秋作信都信卽中都徒音近而轉耳與韓

王將千餘人西略韓地得數城秦輒復取之往來爲游兵潁川沛

公之從雒陽南出轅轅良引兵從沛公下韓十餘城擊楊熊軍

補注

先謙曰史記擊下有破字

沛公迺令韓王成固守陽翟與良俱南攻下宛西入

武關沛公欲召二萬人擊秦曉關下軍

師古曰曉音竟補注先謙曰曉關解見高紀

良

曰秦兵尙彊未可輕臣聞其將屠者子賈豎易動呂利

師古曰商賈之人志

無遠大驚猶倖顧沛公且留壁使人先行爲五萬人具食補注先

記徐廣注益張旗幟諸山上爲疑兵師古曰皆所已表已軍之令

五一作百廊食其持重寶咼秦將師古曰咼音徒秦將果欲連和補注周書

史記有俱西襲咸陽師古曰欲與漢王和而隨漢兵襲咸沛公欲

聽之良曰此獨其將欲叛士卒恐不從必危不如因其解擊

之師古曰解沛公乃引兵擊秦軍大破之逐北至藍田補注周書

記作遂以沛公乃引兵擊秦軍大破之逐北至咸陽秦王子嬰降

沛公沛公入秦宮室帷帳狗馬重寶婦女曰千數意欲留居之樊

噲諫沛公不聽良曰夫秦爲無道故沛公得至此爲天下除殘去

賊宜縞素爲資晉灼曰資質也欲令沛公反秦奢秦服儉素以爲

資字舊今始入秦即安其樂此所謂助桀爲虐且忠言逆耳利於

行毒藥苦口利於病補注宋祁曰逆耳苦口疑作逆於耳願沛公

聽樊噲言沛公迺還軍霸上項羽至鴻門欲擊沛公項伯夜馳至

沛公軍私見良欲與俱去良曰臣爲韓王送沛公今有事急補注

曰官本作亡去不義迺具語沛公沛公大驚曰爲之奈何良曰沛

公誠欲背項王耶沛公曰鯁生說我距關毋內諸侯服虔曰鯁音

人也臣瓚曰楚漢春秋鯁姓師古曰服說是也音才垢反補注先

諱曰索隱鯁小魚也臣瓚案楚漢春秋鯁生本姓解此注誤作小

人又脫三字秦地可王也故聽之良曰沛公自度能卻項王乎師

曰卻音沛公默然曰補注先謙曰史記今爲奈何良因要項伯見

沛公補注先謙曰史記沛公與伯偕爲壽結婚令伯具言沛公不敢

背項王所已距關者備宅盜也項羽後解語在羽傳補注

史記而失者也鴻門之役史記於項羽本紀中詳敘故留侯世家

曰語在項羽事中若漢書既移敘其事於高紀故羽傳從畧但曰

語在高紀不應此文復曰語在漢元年沛公爲漢王王巴蜀賜良

羽傳也此史家修改所未及處

金百溢服虔曰二十兩曰溢師古曰秦以溢名金若漢之論斤也

補注錢大昭曰溢古銀字食貨志云秦兼天下黃金以溢

名爲珠二斗良具呂獻項伯漢王亦因令良厚遺項伯使請漢中地

服虔曰本不盡與漢中故請求之補注先謙曰史集解引如滄曰

本但與巴蜀故請漢中地案服注蓋据高紀蘇何等傳但言漢中

故云然據此傳上文明言止王巴蜀則無漢中明矣如注爲是

此當在項羽議封未定時候表良功狀亦有請漢中地四字項

王許之漢王之國良送至褒中遣良歸韓良因說漢王燒絕棧道

師古曰棧道關道也示天下無還心呂固項王意迺使良還行燒絕棧道

日還謂歸還韓且行日良歸至韓聞項羽良從漢王故不遣韓

燒所過之處皆燒之也良歸至韓聞項羽良從漢王故不遣韓

王成之國與俱東至彭城殺之時漢王還定三秦良迺遺項羽書

曰漢王失職欲得關中如約即止不敢復東補注先謙曰官本無

下疑有復字又呂齊反書遺羽曰齊與趙欲并滅楚項羽呂故北擊齊

良迺間行歸漢漢王呂良爲成信侯從東擊楚至彭城漢王兵敗

而還至下邑師古曰梁國之縣也今屬宋州補注先謙曰官漢王

本國作地高紀時周呂侯將兵居此帝往從之漢王

下馬踞橐而問曰吾欲捐關已東等棄之誰可與其功者師古曰捐關已

東漢不自有其地將呂與人令其立師古曰良曰九江王布楚梟將師古曰

功其破楚也補注先謙曰已與以同良曰九江王布楚梟將師古曰

謂最勇與項王有隙彭越與齊王田榮反梁地補注先謙曰官此

健也兩人可急使而漢王之將獨韓信可屬大事常一面師古曰屬委

即欲捐之捐之此三人楚可破也漢王迺遣隨何說九江王布而

使人連彭越師古曰與及魏王豹反使韓信特將北擊之師古曰

專任之使將也補注先謙曰北史記作兵是因舉燕伐齊趙補注何焯曰伐當作代宋

史記然卒破楚者此三人力也良多病未嘗特將兵補注宋祁云

將常爲畫策臣時時從漢三年項羽急圍漢王於滎陽漢王憂恐

與酈食其謀燒楚權師古曰燒弱也音酈生曰昔湯伐桀封其後

杞武王誅紂封其後宋今秦無道補注先謙曰官本道作德伐滅

六國無立錐之地陛下誠復立六國後此皆爭戴陛下德義補注

昌曰高帝五年即皇帝位此三年願爲臣妾德義已行南面稱伯

猶爲漢王陛下之稱史臣追書之

師古曰伯諡曰霸補楚必斂社而朝師古曰社衣襟也補注王念

也社袂也官本無注注先諡曰官本無注楚必斂社而朝孫曰社謂袂也廣雅袂社袖

列女傳文伯引社攘即袂也管子弟子藏篇攝社盥漱又曰振社掃席趙策攝社抱几

讀曰促佩謂授掩而親饋之皆謂袂也漢王曰善趣刻印先生因行佩之師古

與六國使帶也鄭生未行良從外來謁漢王漢王方食曰客有爲

我計撓楚權者具曰鄭生計告良曰於子房如何補注先諡曰言

也官本作何如意同叔孫通吳王濞傳並有於公何如之語其義

並同宋太史記亦作於子房何如今本誤爲具以鄭生語告於子

房曰何如詳王念孫史記雜志良曰誰爲陛下畫此計者陛下事去矣漢王曰何

哉良曰臣請借前箸爲籌之張晏曰求借所食之箸用指畫也或

之不若也師古曰或說非也著音直庶反昔湯武伐桀紂封其後者度能制其死命也

師古曰度音大各反今陛下能制項籍死命乎其不可一矣武王入殷表商

容閭師古曰商容殷賢人也式箕子門師古曰式亦表也一說至

補注先諡曰史記作釋箕子之拘徐廣注釋一作式拘一作四四

不可式當亦門之誤字蓋人習知武王釋箕子囚而不知有式箕

子門之事故改門爲四而不計式四之不可通也史記下云今陛下能封聖人之墓表賢者之閭式智者之門乎正承上三者言尤爲史漢文同之顯證後見王

念孫史記雜志與余說大同

封比干墓今陛下能乎其不可二矣

發鉅橋之粟服虔曰鉅橋倉名也師古曰許慎云鉅鹿之大橋有漕梁也

散鹿臺之財臣瓚曰鹿臺臺名也

名今在朝歌城中師古曰劉向云鹿臺大三里高千尺也補注先謙曰則當依留侯世家作錢周本紀亦作財王念孫云此後入依晚出古文尙書改之武成正義羣書治要引正作錢齊世家遂周書克殷篇管千版法解淮南主術道應篇並同殷本紀帝紂厚賦稅以實鹿臺之錢呂覽慎大篇云賦鹿臺之錢說苑指武篇散鹿臺之金錢並作錢自偽書盛行後人輒改錢爲財幸其參差不一猶可考見

呂賜貧窮今陛下能乎其不可三矣殷事已畢偃革爲

軒蘇林曰革者兵車革輅軒者朱軒也如淳曰偃武備而治禮樂也

倒載干戈示不復用

補注宋

作今陛下能乎其不可四矣休馬華山之陽示無所爲今陛下能

乎其不可五矣息牛桃林之塹管灼曰在弘農閿鄉南谷中師古曰山海經云夸父之山北有林焉

名曰桃林廣園三百里卽謂此也其山谷今在

示天下不復輪積

閿鄉縣東南湖城縣西南去湖城三十五里補注先謙曰官本無示字引宋祁曰浙木天字上有示字王

今陛

念孫云案浙本是也史記漢紀及新序善謀篇皆有示字

下能乎其不可六矣且夫天下游士左親戚棄墳墓

師古曰左者言其乖避而

委離之目從漢也補注先諫曰官本左作離引宋祁曰離親戚漸本離作左左者言其乖避而委離之若只作離字則不須用注也

去故舊從陛下者但日夜望咫尺之地今迺立六國後唯無復立

者師古曰既立六國後土地皆盡無已封游士各歸事其主從親

戚反故舊陛下誰與取天下乎其不可七矣且楚唯毋彊六國復

橈而從之服虔曰唯當使楚無彊彊則六國弱而從之晉灼曰當今唯楚大無有彊之者若復立六國皆橈而從之陛下

焉得而臣之乎師陛下焉得而臣之其不可八矣補注周壽昌曰

古曰服說是也作不可者一武王伐紂作不可者二以下遞異至此書不可者七

爲不可者八且楚唯無彊至焉得而臣之直接誠用客之謀云云

無其不可八矣五誠用此謀陛下事去矣漢王輟食吐哺罵曰豎

儒幾敗迺公事師古曰輟止也哺食在口中者令趣銷印師古曰

促後韓信破齊欲自立爲假齊王補注先諫曰官本無假字引漢

王怒良說漢王漢王使良授齊王信印語在信傳五年冬漢王追

楚至陽夏南

師古曰夏音工雅反

戰不利壁固陵諸侯期不至良說漢王漢

王用其計諸侯皆至語在高紀漢六年封功臣良未嘗有戰鬪功

高帝曰運籌策帷幄中

補注先謙曰史記帷幄作帳

決勝千里外子房功也自擇

齊三萬戶良曰始臣起下邳與上會留此天已臣授陛下陛下用

臣計幸而時中

補注周壽昌曰中讀曰仲

臣願封留足矣不敢當三萬戶迺封

良爲留侯與蕭何等俱封

補注宋祁曰浙本封作拜

上已封大功臣二十餘人

補注宋祁云浙本無上字

其餘日夜爭功而不決

補注宋祁曰浙本無而字

未得行封上居

雒陽南宮從復道望見諸將

師古曰復讀曰復補注先謙曰史記復作複集解引如淳云上下有道故

謂之復道韋昭云閣道

往往數人偶語

補注先謙曰史記作往往相與坐沙中語

上曰此何語良

曰陛下不知乎此謀反耳上曰天下屬安定何故而反

師古曰屬近也言近

始安屬音之欲反

良曰陛下起布衣與此屬取天下今陛下已爲天子而

所封皆蕭曹故人所親愛而所誅者皆平生仇怨今軍吏計功天

下不足目徧封此屬畏陛下不能盡封又恐見疑過失及誅故相

聚而謀反耳上迺憂曰爲將奈何良曰上平生所憎羣臣所共知

誰最甚者上曰雍齒與我有故怨數窘辱我

服虔曰未起之時與我有故怨也師古曰

每日勇力困辱高祖補注王念孫曰案怨字因注文而衍蓋正文

本作雍齒與我有故故服注中之曰未起之時與我有故怨若正

文有怨字則服注爲贅語矣有故卽有怨呂氏春秋精論篇齊桓

公與管仲謀伐衛退朝而入衛姬望見君下堂再拜請衛君之罪

公曰吾與衛無故子爲爲請無故卽無怨也史記作雍齒與我有故

文選幽通賦注御覽居處部二十三引漢書竝作雍齒與我有故

新序善謀篇我欲殺之爲功多不忍良曰今急先封雍齒目示羣

同皆無怨字臣羣臣見雍齒先封則人人自堅矣於是上置酒封雍齒爲什方

侯

蘇林曰漢中縣也師古曰地理志屬廣漢非漢中也

而急趣丞

侯今則屬益州什音十補注錢大昕曰功臣表作什防

相御史定功行封

師古曰趣音促

羣臣罷酒皆喜曰雍齒且侯我屬無患

矣劉敬說上都關中上疑之左右大臣皆山東人多勸上都雒陽

雒陽東有成皋西有殽

師古曰殽山也黽池也音誦補注宋

郛曰注文當作殽殽山也黽池也

背

師古曰殽山也黽池也音誦補注宋

河鄉雖其固亦足恃

師古曰鄉讀曰嚮

良曰雒陽雖有此固其中小不過

數百里田地薄四面受敵此非用武之國夫關中左殽函右隴蜀

沃野千里

師古曰沃者滋灌也言其土地皆有溉灌之利故云沃野

南有巴蜀之饒北有胡苑

之利

師古曰謂安定北地上郡之北與胡相接之地可已畜牧者也養禽獸謂之苑

阻三面而固守獨呂

一面東制諸侯諸侯安定河渭漕輓天下西給京師

師古曰輓引也輓音晚

諸侯有變順流而下足呂委輸此所謂金城千里天府之國

師古曰財

物所聚謂之府言關中之地物產饒多可備贍給故稱天府也

劉敬說是也於是上即日駕西都

關中良從入關性多疾

補注周壽昌曰性猶生也周禮地官辨五地之物生杜子春讀生爲性亦猶體也魏

志吳質傳注上將軍良性肥中領軍朱燦性瘦與此性義同計秦滅韓時良年少越十年從高帝事帝十三年後六年卒壽不過五十

卽道引不食穀

孟康曰服辟穀藥而靜居行氣道讀曰導

閉門不出歲餘上欲廢太

子立戚夫人子趙王如意大臣多爭未能得堅決也呂后恐不知

所爲或謂呂后曰留侯善畫計上信用之呂后遣使建成侯呂澤

劫良曰

補注先謙曰通鑑考異云澤當是釋之齊召南云考異是也澤與祥相近而譌其下文又脫之字耳呂澤封周呂侯

呂釋之封建侯恩澤侯表可據也先謙案釋澤通作字

君常爲上謀臣今上曰欲易太子

曰言曰日

君安得高枕而臥

師古曰安焉也

良曰始上數在急困之中幸

用臣策今天下安定呂愛欲易太子骨肉之間雖臣等百人何益

呂澤彊要曰爲我畫計良曰此難曰口舌爭也願上有所不能致

者四人

師古曰顧念也四人謂關公綺里季夏黃公角里先生所

行關公綺里季夏黃公角里先生班孟堅敘近古逸民與揚子同

隱居夏里號曰黃公角里先生姓周名術或曰霸上先生皇甫謐

之徒說又相戾故小顏悉棄不取陶淵明詩黃綺之南山杜子美

詩黃綺終辭漢似亦以夏爲地名也惟關稱陳西者舊傳自序云

關公爲秦博士避地南山惠太子以爲司徒至稱十一世漢刻有

以爲商山四皓三輔舊事云四皓隱於上雖熊耳山是商山卽熊

耳山周壽昌曰廣韻漢有應曜隱於淮陽山下與四皓俱徵毗獨

不至時人語曰商山四皓不如淮陽一老八代孫劭集解漢書白

帖卷二十二所引同案據此四人外尙有一

四人年老矣皆曰上

人微而不至者也先謙曰官本注角作用

嫪毐士

師古曰嫪與嫪同嫪古侮字

故逃匿山中義不爲漢臣然上高此四人

今公誠能毋愛金玉璧帛令太子爲書卑辭安車因使辯士固請

宜來

師古曰宜應得其來

來已爲客時從入朝令上見之則一助也於是呂

后令呂澤使人奉太子書卑辭厚禮迎此四人四人至客建成侯

所漢十一年黥布反上疾欲使太子往擊之四人相謂曰凡來者

將已存太子太子將兵事危矣迺說建成侯曰太子將兵有功卽

位不益

師古曰太子嗣君貴已極矣雖更立功位無加益矣

無功

則從此受禍且太子所與俱諸將皆與上定天下梟將也今迺使

太子將之此無異使羊將狼

補述沈欽韓曰燕丹子荆軻曰太子率燕國之眾而當秦猶使羊將狼使

狼追皆不肯爲用其無功必矣臣聞母愛者子抱

補述沈欽韓曰韓非備內篇語

曰其母好者其子抱然則其

爲之反也其母惡者其子釋今戚夫人日夜侍御趙王常居前上

終不使不肖子居愛子上

補述先謙曰官本經上有曰字引劉攽曰曰字後人妄加王念孫云劉說非也

不使不肖子居愛子上是四皓述高帝之語如此外戚傳太子即位
不肖子居愛子上是四皓述高帝之語如此外戚傳太子即位
不肖豈其然乎史記亦有曰字明代太子位必矣補注先謙曰官

君何不急請呂后承間爲上泣師古曰因言黥布天下猛將善居

兵今諸將皆陛下故等夷師古曰夷平也言故時皆齊等補注周

也舊迺令太子將此屬莫肯爲用且布聞之鼓行而西耳師古曰擊

無所上雖疾彊載輜車臥而護之師古曰輜車衣車諸將不敢不

盡力上雖苦彊爲妻子計於是呂澤夜見呂后補注宋祁云漸本

亦有立字諫曰史記呂后承間爲上泣而言如四人意上曰吾惟之豎子固

不足遣師古曰迺公自行耳師古曰乃於是上自將而東羣臣居

守皆送至霸上良疾彊起至曲郵師古曰在新豐西見上曰臣宜

從疾甚楚人剽疾願上慎毋與楚爭鋒師古曰剽因說上令太子

爲將軍監關中兵補注先謙曰高紀上謂子房雖疾彊臥傳太子

是時叔孫通已爲太傅夏行少傅事

補注先謙曰通蓋胡注古世子有三師三少至漢惟太傅

少傅

耳漢十二 years 上從破布歸疾益甚愈欲易太子良諫不聽因疾

不視事叔孫太傅稱說引古曰死爭太子上陽許之

補注周壽昌曰史記陽作

詳詳卽伴字與陽同

猶欲易之及宴置酒太子侍四人者從太子年皆八十

有餘須眉皓白衣冠甚偉

師古曰所召謂之四皓

上怪問曰何爲者補注先

記何上

四人前對各言其姓名上迺驚曰吾求公避逃我補注王

有彼字

案避逃上更有一公字而今本脫之則語意不完外戚恩澤侯表

序注文選謝瞻張子房詩注班彪王命論注引此並作吾求公公

避逃我史記及新序善謀篇作吾今公何自從吾兒游乎四人曰

求公數歲公避逃我皆重一公字

陛下輕士善罵臣等義不辱故恐而亡匿今聞太子仁孝恭敬愛

士天下莫不延頸願爲太子死者故臣等來上曰煩公幸卒調護

太子

師古曰謂謂和平

四人爲壽已畢趨去上目送之

師古曰以目瞻之說

其出也

召戚夫人指視曰

師古曰視讀曰示

我欲易之彼四人爲之輔羽翼

已成難動矣呂氏真遁主矣

師古曰遁汝也

戚夫人泣涕上曰爲我楚舞

吾爲若楚歌

師古曰若亦汝也

歌曰鴻鵠高飛一舉千里

師古曰鵠音胡督反羽翼

曰就橫絕四海

師古曰就成也絕謂飛而直度也補注沈欽韓曰意林尸子曰鴻鵠之鵠羽翼未全而有四海之心

橫絕四海又可奈何

補注先謙曰史記又作當雖有短繳尙安所施弋射也其

矢爲矰矰音增繳音之若反

歌數闋

師古曰闋盡也曲終爲闋音口穴反

戚夫人歔歔流涕

音虛欲音稀又音許氣反

上去罷酒竟不易太子者良本招此四人之力也

良從上擊代出奇計下馬邑及立蕭相國

服虔曰何時未爲相國良勸高祖立之

與從容言天下事甚眾

師古曰從音千容反補注宋祁曰漸本所與字下有上字王念孫曰案漸本是也無

上字則文義不明史記亦有上字

非天下所已存亡故不著

師古曰著謂書之於史著音竹助反

遁稱曰家世相韓及韓滅不愛萬金之資爲韓報仇彊秦天下震

動今已三寸舌爲帝者師封萬戶位列侯此布衣之極於良足矣

願棄人間事欲從赤松子遊耳

師古曰赤松子仙人號也神農時爲雨師服水玉教神農能入火自

燒至昆山上常止西王母石室隨風迺學道欲輕舉師古曰道謂

兩上下炎帝少女追之亦得仙俱去仙道補注先

謀曰史記作乃學辟穀道引輕身徐廣注云乃學道引欲輕舉也

遺下有引字是道讀曰導惟學導引方能輕身師古所見本無引

字乃注云通謂仙道是望高帝崩呂后德良迺彊食之師古曰食

文爲注而失其本意矣

曰人生一世如白駒之過隙師古曰解在魏豹傳補注錢大昭曰

本有間字何自苦如此良不得已彊聽食後六歲薨補注先謙曰

史記同

年卒據侯表良諡曰文成侯良始所見下邳圯上老父與書者補注

以高后二年薨

宋祁云浙後十三歲從高帝過濟北果得穀城山下黃石補注沈

本圯作泥

御覽六黃石公記曰取而寶祠之補注先謙曰史記寶作葆徐

黃石鎮星之精也

良死并葬黃石補注先謙曰史記每上家伏臘祠黃石子不疑祠

侯孝文三年坐不敬國除補注先謙曰侯表不疑孝文五年坐與

不敬異史記本作

五年明此三字誤

陳平陽武戶牖鄉人也

師古曰陽武縣名屬陳留戶牖者其鄉名補注錢大昕曰案地理志陽武屬河南不

屬陳雷沈欽韓曰御覽五百三十二引蔡邕陳雷東昏廟上里社
碑曰惟斯庫上里古陽武之戶屬鄉也秦時有池子華爲丞相
相孝明之世虞延爲太尉姦平中延曾孫放以宰相繼踵咸出斯
里雖有積德修身之效亦斯社所相乃樹碑云水經注東昏縣故
陽武之戶屬鄉平有功於高祖封戶屬侯是後置東昏縣也紀要
東皆城在開封府蘭陽縣東北二十里故戶屬鄉少時家貧好讀書治黃帝老子之術有

田三十畝與兄伯居伯常耕田縱平使游學平爲人長大美色

補注

先謙曰史記人或謂平貧何食而肥若是其嫂疾平之不親家生

無大字蓋脫產補注先謙曰不親言不親身治曰亦食糠覈耳孟康曰覈麥根

家史記親作視字近而說曰亦食糠覈耳中不破者也晉

蘇與曰說文楚堅麥也从麥乞聲孟注晉音與許合楚本字此

借數爲之說文楚堅麥也从麥乞聲孟注晉音與許合楚本字此

平長可取婦富人莫與者補注宋祁云浙貧者平亦媿之久之戶

煥富人張負補注先謙曰索隱負是婦人老嫗之稱猶武負之類

張負既見之喪所又云負隨平至其有女孫五嫁夫輒死人莫敢

家此豈老婦人行動其爲丈夫無疑

取平欲得之邑中有大喪平家貧侍喪已先往後罷爲助張負既

見之喪所獨視偉平

師古曰視而悅其奇偉

平亦已故後去負隨平至其家

家通負郭窮巷

師古曰負謂借也

已席爲門然門外多喪者車轍

注周

長者貴人也後書馬援傳但謂長者家兒又子石當屏居自守而

反憐京師長者注長者謂豪傑魏志文帝詔三世長者知被服五

先謙曰官本微作

職史記同

張負歸謂其子仲曰吾欲已女孫子

陳平

注宋祁云越本無孫子二字

仲曰平貧不事事

師古曰不

事產業一縣中盡笑其所爲獨柰何予之女負曰固有美如陳平

長貧者乎卒與女爲平貧適假貸幣已聘

師古曰貸音土款反

于酒肉之資

已內婦負戒其孫曰毋已貧故事人不謹事兄伯如事適父事嫂

如事適母

師古曰適汝也

平既取張氏女資用益饒游道日廣里中社

先謙曰孔穎達云祭法大夫以下成羣立社曰置社注云大夫不

得特立社與民族居百家以上則共立一社今時里社是也如鄭

此言則周之政法百家以上得立社秦漢以來雖非

大夫民二十五家以上則得立社故曰今之里社

平爲宰

師古曰正

切割肉也

分肉甚均里父老曰善陳孺子之爲宰平曰嗟乎使平得宰

天下亦如此肉矣陳涉起王使周市略地立魏咎爲魏王與秦軍

相攻於臨濟平已前謝兄伯

服虔曰謙語其兄伯往事魏也

從少年往事魏王咎

爲太僕說魏王王不聽人或譏之平亡去項羽略地至河上平往

歸之從入破秦賜爵卿

張晏曰禮秩如卿不治事

項羽之東王彭城也漢王還

定三秦而東殷王反楚項羽迺呂平爲信武君將魏王客在楚者

往擊殷降而還項王使項悍拜平爲都尉

薛古曰悍音下旦反

賜金二十溢

居無何

師古曰無何猶言無幾時

漢攻下殷項王怒將誅定殷者平懼誅迺封

其金與印使使歸項王而平身問行杖劔亡度河船人見其美丈

夫獨行疑其亡將要下當有寶器金玉目之欲殺平平心恐乃解

衣廬而佐刺船

師古曰自露其形示無所懷挾

船人知其無有迺止平遂至脩武

降漢因魏無知求見漢王

補注先謙曰索隱引張敞與朱邑書云陳平須魏情而後進孟康云卽無知也

漢王召入是時萬石君石奮爲中涓受平謁平等十人俱進賜食

補注先謙曰史記作七人王曰罷就舍矣平曰臣爲事來所言不可已過今日

於是漢王與語而說之師古曰說讀曰悅問曰子居楚何官平曰爲都尉

是日拜平爲都尉使參乘典護軍諸將盡謹師古曰謹嚴而謹也補注宋祁曰一本作

詳注云詳曰大王一日得楚之亡卒未知高下而卽與其載使監

護長者補注先謙曰長者諸將自謂祿食其謂高帝不宜僂見長者是其例也史記護下衍軍字漢王聞之愈

益幸平遂與東伐項王至彭城爲楚所敗引師而還收散兵至滎

陽呂平爲亞將屬韓王信軍廣武絳灌等或護平曰師古曰舊說

勃也灌灌嬰也而楚漢春秋高祖之臣別有絳灌疑昧之文不可據也補注王念孫曰史記或作咸案既言絳灌等則護平者非止

一人作咸平雖美丈夫如冠玉耳其中未必有也孟康曰飾冠已者非是也

非所聞平居家時盜其嫂師古曰盜猶私也事魏王不容亡而歸楚歸楚

不中又亡歸漢師古曰中音竹仲反今大王尊官之令護軍臣聞平使諸將

金多者得善處金少者得惡處平反覆亂臣也願王察之漢王疑

之呂讓無知問曰有之乎無知曰有漢王曰公言其賢人何也對

曰臣之所言者能也陛下所問者行也今有尾生孝己之行如清

已高宗之子有孝行師古曰尾生古之信士一說而無益於勝敗

之數陛下何暇用之乎今楚漢相距臣進奇謀之士願其計誠足

以利國家耳師古曰盜嫂受金又安足疑乎漢王召平而問曰吾

聞先生事魏不遂事楚而去師古曰遂猶竟也竊竊先謙曰官本

今又從吾游信者固多心乎平曰臣事魏王魏王不能用臣說故

去事項王項王不信人其所任愛非諸項即妻之昆弟竊注周

伯莊外惟聲宅悍冠見各傳挑侯雖有奇士不能用臣居楚聞漢

王之能用人故歸大王願身來不受金無呂爲資誠臣計盡有可

采者願大王用之補注先謙曰使無可用者大王所賜金具在請

封輸官得請骸骨漢王迺謝厚賜拜呂爲護軍中尉盡護諸將諸

將迺不敢復言其後楚急擊絕漢甬道圍漢王於滎陽城漢王患

之請割滎陽呂西和項王弗聽漢王謂平曰天下紛紛何時定乎

平曰項王爲人恭敬愛人士之廉節好禮者多歸之至於行功賞

爵邑重之師古曰言愛惜之士亦曰此不罔今大王嫚而少禮士之廉節

者不來然大王能饒人已爵邑士之頑頓者利無恥者亦多歸漢

如淳曰頑頓謂無廉隅也師古曰頑頓謂無廉隅也誠各去兩短集兩長天下指麾卽定

矣然大王資毋人師古曰資謂天性也不能得廉節之補注先謙曰

士顧楚有可亂者師古曰顧念也彼項王骨鯁之臣補注先謙曰亞父鍾

離昧龍且周殷之屬師古曰昧音寐且音子開反不過數人耳大

王能出捐數萬斤金行反間間其君臣已疑其心師古曰間反項王

爲人意忌信讒補注先謙曰必內相誅漢因舉兵而攻之破楚必矣

漢王曰爲然迺出黃金四萬斤予平恣所爲不問出入平旣多呂

金縱反間於楚軍宣言諸將鍾離昧等爲項王將功多矣然終不

得列地而王欲與漢爲一曰滅項氏分王其地項王果疑之使使

至漢漢爲太牢之具舉進見楚使師古曰舉鼎俎而來補注卽陽

驚曰呂爲亞父使迺項王使也復持去曰惡草具進楚使服虔曰去肴肉

更以惡草之具補注宋使歸具曰報項王果大疑亞父補注宋

項王二字亞父欲急擊下滎陽城項王不信不肯聽亞父亞父聞

項王疑之迺大怒曰天下事大定矣君王自爲之願乞骸骨歸補注

宋歸未至彭城疽發背而死師古曰疽癰瘡也音千余反平迺夜出女

子二千人滎陽東門楚因擊之平迺與漢王從城西門出去補注

日出去當作夜出去遂入關收聚兵而復東明年淮陰侯信破齊

自立爲假齊王使使之漢王漢王怒而罵平蹶漢王孟康曰蹶謂蹶漢王

足漢王寤迺厚遇齊使使張良往立信爲齊王於是封平呂戶牖

鄉用其計策卒滅楚漢六年人有上書告楚王韓信反高帝問諸

將諸將曰亟發兵阮豎子耳

師古曰亟急也音居力反

高帝默然曰問平平固

辭謝曰

補注宋祁曰一本固作固然作固爲長

諸將云何上具告之平曰人之上書

言信反人有聞知者乎曰未有曰信知之乎曰弗知平曰陛下兵

精孰與楚

師古曰與如也

上曰不能過也平曰陛下將用兵有能敵韓信

者乎上曰莫及也平曰今兵不如楚精將弗及而舉兵擊之是趣

之戰也

師古曰趣讀曰促

竊爲陛下危之上曰爲之柰何平曰古者天子

巡狩會諸侯南方有雲夢

師古曰楚澤名夢音莫風反又讀如本字補注沈欽韓曰一統志安陸以南華

容以北史江以東皆古之雲夢澤後世悉爲邑居水落

陛下弟出僞游雲夢

師古曰弟但也語聲急也宅皆

類此補注先謙曰官本弟作第

會諸侯於陳陳楚之西界信問天子曰好出游其

勢必郊迎謁

師古曰言出郊遠迎謁也補注先謙曰官本言出郊作出其郊

而陛下因禽之特一

力士之事耳

補注宋祁云浙本特字上有此字

高帝曰爲然迺發使告諸侯會陳

吾將南游雲夢上因隨曰行行至陳

補注先謙曰史記作行未至陳是也故信迎於道中下乃

至陳而會諸侯也

本書蓋奪一未字

楚王信果郊迎道中高帝豫具武士見信卽執

縛之語在信傳遂會諸侯於陳

補注先謙曰史記有盡定楚地句

還至雒陽與功

臣剖符定封封平爲戶牖侯世世勿絕平辭曰此非臣之功也上

曰吾用先生計謀戰勝克敵非功而何平曰非魏無知臣安得進

上曰若子可謂不背本矣

師古曰若如也

迺復賞魏無知其明年平從擊

韓王信於代至平城爲匈奴圍七日

補注宋祁曰圍字上疑有所字王念孫曰文選劉曜重贈

盧諶詩注陸機漢高祖功臣頌注引此皆有所字史記同

不得食高帝用平奇計使單于闕氏

解圍已得開

師古曰闕氏音焉支補注先謙曰解字上屬爲句謂解說也史記無解字

高帝旣出其計

祕世莫得聞高帝南過曲逆

孟康曰中山補陰縣補注先謙曰在今保定府完縣東南上其城

望室屋甚大曰壯哉縣吾行天下獨見雒陽與是耳顧問御史曲

逆戶口幾何

補注沈欽韓曰百官表御史掌圖籍祕書故戶口對之數職知之每有封爵與丞相同被詔亦因此

曰始秦時三萬餘戶間者兵數起多亡匿今見五千餘戶於是召

御史

補注先謙曰官本更封平爲曲逆侯元無音文文選載陸士

衡高祖功臣頌曲逆宏達好謀能斷注曲區句反逆音遇盡食之

補注錢大昕曰漢時封縣侯戶數多少不同如蕭何始封鄧食八千戶後又益封二千戶元狩中以鄧戶二千四百封其曾

孫慶宣帝時以鄧戶二千封其元孫建世封號雖同而租入迥別蓋一縣之戶不止此數除侯所食外其餘歸之有司也高祖功臣盡食一縣者惟平一人除前所食戶賜平自

初從至天下定後常曰護軍中尉從擊滅荼陳豨黥布

補注先謙曰史記無荼凡六出奇計

補注錢大昭曰間蒧楚君臣一奇計也夜出女子三奇計也僞游雲夢縛信四奇計也解平城圍五奇計也其六當在從擊滅荼陳豨黥布時史傳無文輒益邑封奇

計或頗祕世莫得聞也高帝從擊布軍還病創徐行至長安燕王

盧綰反上使樊噲曰相國將兵擊之既行人有短惡噲者

師古曰失德惡於上謂譖高帝怒曰噲見吾病適幾我死也

孟康曰幾幸我死也幾音

用平計召絳侯周勃受詔牀下曰平乘馳傳載勃代噲將

師古曰傳

音張戀反補注先謙曰官本曰下有陳字引宋平至軍中卽斬噲

師古曰頭二人既受詔馳傳未至軍行計曰樊噲帝之故人功多

師古曰行計謂

於道中且計也補注宋祁曰又呂后女弟呂須夫

補注王念孫曰弟上本無女字

後人以意加之也女弟而但曰弟者省文耳景祐本及史記皆無

女字樊噲傳噲以呂后弟呂須爲婦五行志趙皇后弟昭儀高五

王傳紀太后取其弟紀氏女爲王后弟

有親且貴帝曰忿怒故欲

上皆無女字先謙曰官本須作須下同斬之卽恐後悔寧囚而致上令上自誅之未至軍爲壇呂節召樊

噲噲受詔卽反接

師古曰反轉兩手也

載檻車詣長安而令周勃代將兵定

燕平行問高帝崩

師古曰未至京師於道中聞高帝崩

平恐呂后及呂須怒迺馳傳

先去逢使者詔平與灌嬰屯於滎陽平受詔立復馳至宮哭殊悲

因奏事喪前呂后哀之曰君出休矣平畏讒之就

師古曰就成也言畏讒毒己者

得其成計補注先因固請之得宿衛中

補注宋祁曰之字可刪王念孫曰平此時但請之耳

下文太后以爲郎中令然後得其所請若云因固請之得宿衛中則是平已得宿衛而下文爲贊語矣之字涉上文兩之字而衍史記

太后迺爲郎中令曰傳教帝如治曰傳相之補注是後呂須無太后迺爲郎中令曰傳教帝先謙曰史記曰作曰議迺不得行樊噲至即赦復爵邑惠帝六年相國曹參薨安國侯王陵爲右丞相平爲左丞相

王陵沛人也始爲縣豪高祖微時兄事陵及高祖起沛入咸陽陵

亦聚黨數千人居南陽不肯從沛公及漢王之還擊項籍陵迺

兵屬漢補注齊召南曰陵之初從傳與表判然不同據此傳則在漢之意也但張蒼傳言陵解張蒼之厄乃在沛公初定南陽未入

武關以前何邪先謙曰據高紀帝入南陽時陵降特未從入關耳

救張蒼在南陽於項羽取陵母置軍中陵使至則東鄉坐陵母欲

呂招陵師古曰鄉陵母既私送使者泣曰願爲老妾語陵善事漢

王漢王長者毋呂老妾故持二心妾呂死送使者遂伏劍而死項

王怒亭陵母陵卒從漢王定天下呂善雍齒雍齒高祖之仇陵又

本無從漢之意已故後封陵爲安國侯

補注周壽昌曰最後陵爲始封史記作戰封

人少文任氣好直言爲右丞相二歲惠帝崩高后欲立諸呂爲王

問陵陵曰高皇帝刑白馬而盟曰非劉氏而王者天下共擊之今

王呂氏非約也太后不說

補注古曰說讀曰悅

問丞相平

補注先謙曰官本丞上有左字及

絳侯周勃等皆曰高帝定天下王子弟今太后稱制欲王昆弟諸

呂無所不可太后喜罷朝陵讓平勃曰始與高帝啖血而盟諸君

不在邪

補注古曰啖小飲也音所甲反補注宋祁云漸本無而字王念孫曰漸本是也景祐本作啖而盟而卽血之誤此作啖

血而盟者一本作血一本作而而寫者誤合之耳史記呂后紀作啖血盟無而字

今高帝崩太后女主欲

王呂氏諸君縱欲阿意背約何面目見高帝於地下乎平曰於而

折廷爭臣不如君

補注古曰廷爭謂當朝廷而諫爭

全社稷定劉氏後

補注先謙曰官本定作安

君亦不如臣陵無已應之於是呂太后欲廢陵遷陽遷陵爲帝太

傅實奪之相權

補注周壽昌曰之猶其也古訓如此項籍傳籍以故疑范增稍奪之權語相類

陵怒謝病

免杜門竟不朝請

師古曰杜塞也閉塞其門也請音才性反杜字本作敷音同補注先謙曰官本敷作敷

十

年而薨

補注先謙曰史記作七年

陵之免呂太后徙平爲右丞相呂辟陽侯審

食其爲左丞相

師古曰食其音異基

食其亦沛人也漢王之敗彭城西楚取

太上皇呂后爲質食其呂舍人侍呂后其後從破項籍爲侯幸於

呂太后及爲相不治

師古曰不治丞相職事也師古曰李說是也

監宮

中如郎中令公卿百官皆因決事呂須常呂平前爲高帝謀執樊

噲數譏平曰爲丞相不治事曰飲醇酒戲婦人平聞日益甚呂太

后聞之私喜

補注先謙曰平不以能加於辟陽之上又無治迹不爲呂后所畏忌故后喜之

而質呂須於

平前

師古曰質對也

曰鄙語曰兒婦人口不可用願君與我何如耳無畏

呂須之譖

師古曰願念也

呂太后多立諸呂爲王平僞聽之

師古曰謂且願從之不乖

也

及呂太后崩平與太尉勃合謀卒誅諸呂立文帝平本謀也審

食其免相文帝立舉呂爲相

如審曰舉猶皆也服人之議皆曰爲勃平功多矣師古曰言文帝曰平勃

俱舊臣有功皆欲召爲相

太尉勃親召兵誅呂氏功多平欲讓勃位遁謝病文

帝初立怪平病

補述周壽昌曰怪其無故以病謝

問之平曰高帝時

補述宋祁曰別本帝上有

皇

字勃功不如臣及誅諸呂臣功亦不如勃願召相讓勃於是遁曰

太尉勃爲右丞相位第一平徙爲左丞相位第二賜平金千斤益

封三千戶居頃之上益明習國家事朝而問右丞相勃曰天下一

歲決獄幾何

師古曰臨朝問也幾音居豈反

勃謝不知問天下錢穀一歲出入幾

何勃又謝不知汗出洽背

師古曰洽霑也補述先謙曰史記作沾背

媿不能對上亦問

左丞相平平日各有主者

補述宋祁曰越本無各字王念孫曰越本是也景祐本亦無各字此涉下文苟

各有主者而衍下文平日陛下即問決獄責廷尉問錢穀責治粟

內史故文帝曰苟各有主者而君所主何事此文但言有主者而已不須言各北堂書鈔政術部下藝文類聚職官

上曰主者爲誰

乎平曰陛下即問決獄責廷尉問錢穀責治粟內史上曰苟各有

主者而君所主何事也平謝曰主臣

文穎曰惶恐之辭也猶今言死罪也孟康曰主臣主羣臣

也若今言人主晉灼曰主學也臣服也言其擊服也恐之辭師古曰文晉二說是也補注先謙曰集解引張晏云若今人謝曰惶恐

也馬融龍虎賦勇怯見之莫不主臣先謙案據馬賦則作惶恐恐解漢時自有確詰蓋對主稱臣惶恐意自見別無義可求

不知其駕下使待罪宰相師古曰駕凡馬之稱非駿者也故曰自喻驚音奴宰相者上佐

天子理陰陽順四時下遂萬物之宜師古曰遂申也外填撫四夷諸侯內

親附百姓使卿大夫各得任其職也上稱善勃大慙出而讓平曰

君獨不素教我乎平笑曰君居其位獨不知其任邪且陛下即問

長安盜賊數又欲彊對邪補注劉敞曰盜賊數亦自有主者謂不當問無故也於是絳侯自

知其能弗如平遠矣居頃之勃謝病請免相補注宋祁曰越本無病請二字而平

顓爲丞相師古曰顓與專同補注周壽昌曰此後無左右孝文二年平薨諡曰獻侯傳子

至曾孫何坐略人妻棄主補注先謙曰官本主作市是王陵亦至玄孫坐酎金

國除辟陽侯食其免後三歲而爲淮南王所殺文帝令其子平嗣

侯淄川王反辟陽近淄川平降之國除補注先謙曰辟陽信都縣今冀州東南三十里淄川

國在青州府壽光縣東南三十一里此蓋因地
近而先交通侯表齊平生謀反自殺卽謂此
始平曰我多陰謀

道家之所禁師古曰此平謂陳平吾世卽廢亦已矣終不能復起已吾多陰

禍也補注先謙曰官本無終字引其後曾孫陳掌已衛氏親戚貴

師古曰掌妻願得續封補注先謙曰官本封下有之字引宋祁曰

衛子夫之姊常傳注引此無之字然終不得也補注宋祁曰

周勃沛人其先卷人也師古曰卷縣名也地理志屬河南音丘權

也字引宋祁曰沛人也也字可剛徙沛勃已織薄曲爲生蘇林曰

案卷在今懷慶府原武縣西北徒沛勃已織薄曲爲生

曲月令曰具曲師古曰常已吹簫給喪事師古曰吹簫已樂喪賓

曰許慎云葦薄爲曲也常已吹簫給喪事若樂人也補注沈欽韓

曰鹽鐵論散不足篇今俗因人之喪以求酒食幸與小坐而責辦

歌舞俳優連笑伎戲此沿秦俗之弊先謙曰顏注本臣贊索隱引

賓作殯是又云左傳歌虞殯猶材官引強也孟康曰如今挽強司

馬也師古曰高祖爲沛公初起勃已中涓從攻胡陵下方與師古

張音其兩反房方與反與戰卻敵攻豐擊秦軍碭東還軍留及蕭復攻碭破之

下下邑先登賜爵五大夫攻蘭虞取之

補注齊召南曰史記作攻蒙虞是也此承下邑之文

曹參傳亦曰攻下邑以西至虞據地理志梁園即秦碭郡也下邑蒙虞一邑俱屬梁國此文蘭應作蒙先謙曰地無蘭虞名齊說是

擊章邯車騎殿

師古曰殿之言填也謂鎮軍後曰扞敵勁擊破章邯之殿兵也殿音丁見反補注劉奉世曰殿是多

皆功之高二下名品也周壽昌曰殿爲高帝殿後也擊章邯車騎句殿一字句先謙曰殿若是名品則下功也傳不當書劉說謬顏周

二說並通補注參傳擊秦將軍章邯車騎略定魏地攻韓咸東緡呂

往至栗

師古曰緡音皆補注先謙曰韓咸詳參傳東緡山陽縣今濟甯州金鄉縣東北二十里顏以爲陳雷之東晉誤也

栗沛郡縣今歸德府夏邑縣治

取之攻鬻桑

補注沈欽韓曰紀要鬻桑亭在徐州沛縣西南

阿下破之

補注先謙曰追至濮陽下斬城補注齊召南曰史記作阿詳曹參傳

是先謙曰鄧城濟陰縣今曹州府濮州東二十里

攻都關定陶

補注先謙曰都關山陽縣在今濮州東南

宛胸得單父令

補注先謙曰宛胸即宛句濟陰縣今曹州府單父令

一里夜襲取臨濟攻壽張呂前至卷

補注先謙曰臨濟即魏魯田

縣今泰安府東平州西南後漢光武以叔父名良諱改壽張此作壽張後人所改史記作攻張又脫壽字破李由雍三

下攻開封先至城下爲多

文穎曰勃士卒至者多也如濬曰周後

章邯破項梁沛公與項羽引兵東如碭自初起沛還至碭一歲二

月楚懷王封沛公號武安侯爲碭郡長沛公拜勃爲襄賁令

師古曰賁

音肥補注沈欽韓曰史記作虎賁令徐廣云一作句

從沛公定魏

盾令史記是也高祖方用勃爲將安得遠縣乘之

地攻東郡尉於成武破之補注先謙曰史記有擊王離軍成陽南正

在項羽渡河救趙之前此誤脫

攻長社先登攻潁陽緱氏

補注先謙曰長社潁陽並潁川縣長社在今許

州長葛縣西潁陽今許州西南

絕河津擊趙賁軍尸北

師古曰賁音奔尸卽尸鄉

南攻南陽守

齧破武關峽關攻秦軍於藍田

補注先謙曰史記攻作破是

至咸陽滅秦項羽

至呂沛公爲漢王漢王賜勃爵爲威武侯從入漢中拜爲將軍還

定三秦賜食邑懷德

補注先謙曰懷德馮翊縣在今西安府富平縣西南十里攻槐里好時最

如濬曰於將軍之中功爲最也補注沈欽韓曰商子境內篇陷陳

之士其先入者舉爲最其後入者舉爲殿先謙曰槐里卽廢上據

後書北擊趙賁內史保於咸陽最北救漆

師古曰漆扶風縣補注錢大昭曰救當從史記

作攻先諫曰擊章平姚印軍西定汧師古曰汧亦扶風縣音曰汧今邠州治

還下郿頻陽師古曰郿即岐州郿縣也頻陽在今鳳翔府

東北頻陽馮翊縣在今西園章邯廢丘破之西擊益已軍破之如

安符富平縣東北五十里園章邯廢丘破之西擊益已軍破之

日章師將也補注先諫曰史記西作破西丞益已作攻上邽師古

蓋巴西天水縣疑此奪文益盜已巴形近未知孰是攻上邽師古

音圭補注先諫曰上邽東守峽關補注先諫曰此高帝擊項籍攻

曲遇最補注先諫曰史記作曲遇音離還守敖倉追籍籍已死因東

定楚地泗水東海郡凡得二十二縣還守雒陽櫟陽賜與潁陰侯

其食鍾離補注先諫曰鍾離九江縣今鳳陽府東北二十里呂將軍

從高祖擊燕王臧荼破之易下補注先諫曰易涿郡縣今所將卒

當馳道爲多師古曰當高祖所行之前補注劉敬曰馳道舊言乘

謂敵人馳車衝突之道當之者功爲多也注非先諫曰索隱或以

馳道爲秦之馳道故賈山傳云秦爲馳道東窮燕齊也先諫案諸

說顏劉賜爵列侯剖符世世不絕食絳八千二百八十戶補注先

爲優

記二百
作一百
曰將軍從高帝擊韓王信於代降下霍人呂前至武宗

曰縣屬雲中也補注先諸曰索隱謂談云左傳以偏陽子歸納諸

霍人杜預云晉邑也或作霍正義霍音項又音蘇寡反顏師古云

青山寡反案霍字當作後地理志云後人縣屬太原郡先謙案後

人在今代州繁時縣南張引顏音今本所無武泉今朔平府右玉

北擊胡騎破之武泉北轉攻韓信軍銅鞮破之還降太原六城

擊韓信胡騎晉陽下破之下晉陽後擊韓信軍於砮石

應劭曰砮音沙孟康

日地名也齊恭曰砮音赤生反師古曰齊音是也補注沈欽韓曰

正義云在樓煩縣西北明志太原府靜樂縣西北有廢樓煩縣唐

所置爲監牧地也紀要砮石城在靜樂縣東北靜樂今屬忻州先

謙曰後是復之誤下文後擊館軍沮陽史記後作復即其證也此

後字火破之追北八十里還攻樓煩三城

補注先謙曰樓煩雁門

記亦誤因擊胡騎平城下所將卒當馳道爲多勃遷爲太尉陳豨屠馬邑

補注錢大昭曰陳豨上脫擊字史記所將卒斬豨將軍乘馬降

及南監本閩本皆有先謙曰官本有得豨將宋最鴈門守國

師古曰鴈者鴈門守之名音下頓反因轉攻得雲中守遼丞

相箕肆將軍博

師古曰進古速字也肆音弋二反博者亦稀將之名也補注先諫曰史記肆作肆博作勤無軍字

定鴈門郡十七縣雲中郡十二縣因復擊稀靈丘

補注先諫曰靈丘代郡縣在今

大同府靈丘縣

破之斬稀丞相程縱將軍陳武都尉高肆定代郡九縣

補注先諫曰史記肆作肆新稀下有得稀二字謂既斬稀又得縱

等也高紀周勃定代斬陳稀於當城與史言斬稀靈丘異蓋靈丘

當城相距近也後不更言斬稀事則此處謬言之爲是疑本書奪得稀二字也

燕王盧綰反勃呂相國代

樊噲將

補注錢大昭曰時高帝怒噲使陳平即軍中斬噲故勃代之周壽昌曰勃爲丞相在孝文初此是虛稱擊下

勃

師古曰即勃也勃縣也音計補注先諫曰勃廣陽縣今順天府大興縣西南得綰大將抵丞相偃守

陘

張晏曰盧綰郡守陘其太尉弱御史大夫施屠渾都

師古曰姓

張晏曰盧綰郡守陘其太尉弱御史大夫施屠渾都

師古曰姓

張晏曰盧綰郡守陘其太尉弱御史大夫施屠渾都

師古曰姓

張晏曰盧綰郡守陘其太尉弱御史大夫施屠渾都

師古曰姓

張晏曰盧綰郡守陘其太尉弱御史大夫施屠渾都

師古曰姓

張晏曰盧綰郡守陘其太尉弱御史大夫施屠渾都

師古曰姓

張晏曰盧綰郡守陘其太尉弱御史大夫施屠渾都

今宣化府懷來縣南追至長城定上谷十二縣右北平十六縣遼

州遼化縣北有馬蘭峪後擊綰軍沮陽

名屬上谷補注先諫曰後

水導源馬蘭城明志創後擊綰軍沮陽

名屬上谷補注先諫曰後

水導源馬蘭城明志創後擊綰軍沮陽

名屬上谷補注先諫曰後

水導源馬蘭城明志創後擊綰軍沮陽

名屬上谷補注先諫曰後

水導源馬蘭城明志創後擊綰軍沮陽

名屬上谷補注先諫曰後

水導源馬蘭城明志創後擊綰軍沮陽

名屬上谷補注先諫曰後

水導源馬蘭城明志創後擊綰軍沮陽

東二十九縣

補注錢大昭曰遼東上史記有遼西二字案地理志遼西縣十四遼東縣十八合之得三十二縣較絳侯

所定者多三縣後又有析置者耳且下云定郡五若無遼西止四郡矣當從史記爲是

漁陽二十二縣

補注錢大

昭曰當作十二縣先謙曰史記亦作二十二縣

最從高帝得相國一人

師古曰最者凡也總言其攻戰克獲

之丞相二人將軍二千石各三人別破軍二下城三定郡五縣七

十九得丞相大將各一人勃爲人木強敦厚

師古曰木謂質樸強音其兩反高帝

呂爲可屬大事

師古曰屬委也音之欲反

勃不好文學每召諸生說士東鄉坐

責之

如清曰勃自東鄉責諸生說士不呂賓主之禮也師古曰鄉讀曰罰補注錢大昭曰士南監本刪本竝作事先謙曰官本

作事史趣爲我語

蘇林曰音趣舍臣瓚曰令直言勿稱經書也其記作士趣爲我語師古曰二說皆非也趣讀曰促謂令速言也其

椎少文如此

服虔曰謂訥鈍也應劭曰今俗名拙語爲椎儲師古曰椎謂樸鈍如椎也音直推反勃既定燕

而歸高帝已崩矣呂列侯事惠帝惠帝六年置太尉官呂勃爲太

尉

補注先謙曰徐廣云功臣表及將相表皆高后四年始置太尉尉者召南云案傳此文與公卿表同益用史記世家而不取史記

功臣將相二表也

十年高后崩呂祿呂趙王爲漢上將軍呂產呂王爲

相國秉權欲危劉氏

補注先謙曰史記有勃爲太尉不得入軍門陳平爲丞相不得任事四語勃與丞

相平朱虛侯章共誅諸呂語在高后紀於是陰謀迺爲少帝及濟

川淮陽恆山王皆非惠帝子

補注錢大昕曰此稱恆山後稱常山史駁文也故外戚恩澤侯表高后時

以孝惠子侯者四人襄城侯義三年爲常山王類名卽少帝也軹侯朝四年爲常山王壺關侯武六年爲淮陽王昌平侯大七年爲呂王異姓諸侯王表高后七年呂王產徙梁十一月丁巳王大始故平昌侯惠傳稱濟川王表稱呂王其質一也初高后封齊之濟南郡爲呂王奉邑及呂產徙封改呂國曰濟川以王孝惠之子此事之所宜有者則濟川卽濟南矣孝景時分梁爲濟川國

攷梁孝王始封其時濟南王辟光尙存七國旣平梁又未嘗益封此兩濟川者名同而實異也先謙曰官本通作以是

呂太

后呂計詐名宅人子殺其母養之後宮令孝惠子之立呂爲後用

彊呂氏今已滅諸呂少帝卽長用事吾屬無類矣

師古曰云被誅滅無遺種不

如視諸侯賢者立之遂迎立代王是爲孝文皇帝東牟侯興居朱

虛侯章弟也曰誅諸呂臣無功請得除宮迺與太僕汝陰滕公入

宮

補注劉敞曰當云汝陰侯

滕公前謂少帝曰足下非劉氏不當立迺顧麾左

右執戟皆仆兵罷

師古曰仆類也音赴

有數人不肯去官者令張釋諭告亦

去

師古曰荆燕吳傳云張擇今此作釋參錯不同未知孰是也補注先謙曰官本官作官是擇當爲澤

滕公召乘輿

車載少帝出少帝曰欲持我安之乎

師古曰言往何所也

滕公曰就舍少府

補注周壽昌曰何煌用宋本校舍下多一舍字

迺奉天子法駕迎皇帝代邸報曰宮謹除

補注宋祁曰除下當有矣字

皇帝入未央宮有謁者十人持戟衛端門

師古曰端門殿

之正

曰天子在也足下何爲者不得入太尉往喻迺引兵去皇帝

遂入是夜有司分部誅濟川淮陽常山王及少帝於邸文帝卽位

呂勃爲右丞相賜金五千斤邑萬戶居十餘月

補注先謙曰更人記作居月餘

或說勃曰君旣誅諸呂立代王威震天下而君受厚賞處尊位呂

厭之則禍及身矣

師古曰厭訓當之也言既有大功又受厚賞而居尊位已久當之卽禍及矣厭音一涉反又音

烏狎反補注先謙曰官本卽上多不去二字此脫

勃懼亦自危迺謝請歸相印上許之歲

餘陳丞相平卒上復用勃爲丞相

補注先謙曰官本無丞字引十宋祁曰漸本相字上有丞字

餘月上曰前日吾詔列侯就國或頗未能行丞相朕所重其爲朕

率列侯之國適免相就國

補注先謙曰本書王商傳張匡云往者丞相周勃再建大功及孝文時繼介怨

恨而日爲之蝕於是退勃使就國卒無懷然憂案傳志皆無其事蓋匡妄言

威餘每河東守尉行縣至

絳絳侯勃自畏恐誅常被甲令家人持兵已見其後人有上書告

勃欲反下廷尉逮捕勃治之勃恐不知置辭

師古曰置立也辭對獄之辭

吏稍

侵辱之勃已千金與獄吏獄吏迺書牘背示之

李奇曰吏所執簿也師古曰牘木簡

呂書解也音讀

曰已公主爲證公主者孝文帝女也勃太子勝之尙之

師古曰尙配也解在張耳傳

故獄吏教引爲證初勃之益封

補注先謙曰史記有受賜二字盡已

于薄昭及繫急薄昭爲言薄太后太后亦已爲無反事文帝朝太

后已冒絮提文帝

應劭曰陌領絮也晉灼曰巴蜀異志謂頭上巾爲冒絮師古曰冒覆也老人所已覆其頭提絮

也提音徒計反

補注周壽昌曰釋名帔冒也漢時亦自稱帔本書

鄧通初以刺船郎著黃帽應云陌領絮者方言條巾南楚之間云陌領也唐宋以來呼曰抹額索隱提蒞該音底擲也案即抵物

之抵戰國策侍醫夏無且以其所奉藥囊提刺刺與此同義曰

絳侯綰皇帝璽將兵於北軍

應劭曰言勃謀諸呂廢少帝手貫國璽時尚不反況今更有異手師古曰

絳謂引結其組音鳥版反

不曰此時反今居一小縣願欲反邪師古曰

補注先謙曰官本贊作綰

文帝既見勃獄辭迺謝曰吏方驗而出之

補注先謙曰史記吏下衍事字

於是使使持節赦勃復爵邑勃既出曰吾嘗將百萬軍然安知獄

吏之貴也

補注先謙曰官本無然字引宋祁曰潛本安知字上有然終字

勃復就國孝文十一年

薨諡曰武侯子勝之嗣尚公主不相中

如淳曰猶言不相合當也師古曰意不相可也中音

竹仲

坐殺人死國絕一年

補注宋祁曰景祐本一年下有文帝乃

反文帝擇勃子賢者皆推亞夫擇子賢者河內太守十一字于據後言

文帝擇勃子賢者皆推亞夫於文次第方及耳不容先更於此重

去之錢大昭曰閩本無下弟字亞夫上有弟亞夫復爲侯亞夫爲

河內守時許負相之

應劭曰許負河內溫人老嫗也

君後三歲而侯侯八歲爲將

相持國秉

師古曰秉音彼命反

貴重矣於人臣無二後九年而餓死亞夫笑

曰臣之兄呂代父侯矣有如卒子當代我何說侯乎然既已貴如

負言又何說餓死指視我

師古曰

負指其口曰從理入口此餓

死法也

師古曰從豎也音子容反補注沈欽韓曰冊府元龜八百三十五云梁褚繡爲水軍都督而甚尖危有從理入口時

有庾良狀貌豐美顏頗開張人皆謂良必爲方伯無餒乏之慮及封江陵卒致飢死繡竟保衣食而終此或別有故也麻衣神異賦云法令入口還紋也騰蛇卽法令紋也梁武帝亦有此卽此所謂從

理入居三歲兄絳侯勝之有罪文帝擇勃子賢者皆推亞夫迺封

爲條侯

師古曰縣在勃海地理志作條字其音同耳補注先謙曰官本注籍作條引宋祁曰條當作條集韻音祿云周亞夫

所封錢大昕云案地理志勃海郡有條市縣侯國應劭謂條爲條世清河王所封也又信都國有條縣師古亦讀爲條亞夫

所封益信都之條非勃海之條文帝後六年匈奴大入邊呂宗正

劉禮爲將軍軍霸上祝茲侯徐厲爲將軍軍棘門呂河內守亞夫

爲將軍軍細柳呂備胡上自勞軍至霸上及棘門軍直馳入將呂

下騎出入送迎已而之細柳軍軍士吏被甲銳兵刃彀弓弩持滿

師古曰彀張也音述補注劉奉世曰言彀弓弩是也敵未至何遽持滿何時已乎此二字疑衍周壽昌曰弓弩上絃爲彀持滿則力

使使滿持滿不發亦軍容也

天子先驅至不得入

師古曰先驅導駕者也若今之武候隊矣

先驅曰

天子且至軍門都尉曰軍中聞將軍之令不問天子之詔

補注沈

六韜立將篇軍中之事不聞君命皆由將出白虎通曰大夫將兵但聞將軍令不聞君命也

有頃上至又不得

入於是上使使持節詔將軍曰吾欲勞軍亞夫迺傳言開壁門壁

門士請車騎曰將軍約軍中不得驅馳於是天子迺按轡徐行至

中營將軍亞夫揖

補注沈欽韓曰史記作持兵揖此脫兩字也太

節持戟拜身倚之以拜鄉飲酒禮注推手曰揖引手曰撻又何休云以手通指曰揖此持兵揖似當從倚拜之說曰介冑

之士不拜請已軍禮見

應劭曰禮介者不拜補注沈欽韓曰尉繚

子士天子爲動改容式車

師古曰古者立乘凡言式車者謂使

人稱謝

師古曰

皇帝敬勞將軍成禮而去既出軍門羣臣皆驚文

帝曰嗟乎此真將軍矣鄉者霸上棘門如兒戲耳

師古曰鄉讀曰

史記如上有軍序語意乃足

其將固可襲而虜也至於亞夫可得而犯邪稱善

者久之月餘三軍皆罷迺拜亞夫爲中尉文帝且崩時戒太子曰

卽有緩急周亞夫眞可任將兵文帝崩亞夫爲車騎將軍孝景帝

三年吳楚反亞夫呂中尉爲太尉東擊吳楚因自請上曰楚兵剽

輕難與爭鋒

師古曰剽音匹妙反補注先謙曰楚兵總謂吳楚之兵義詳吳王濞傳

願呂梁委之絕

其食道迺可制也上許之

師古曰吳王傳云亞夫至淮陽問鄧都尉爲畫計而亞夫先上請兩傳雖異可互參

而後行二傳不同未知孰是補注沈欽韓曰亞夫既發至霸上趙

涉遮說亞夫曰將軍東誅吳楚勝則宗廟安不勝則天下危能用

臣之言乎亞夫下車禮而問之涉曰吳王素富懷輯死士久矣

師古曰輯與集同

此知將軍且行必置間人於殺黽阨陘之間且兵事上神

密將軍何不從此右去走藍田

師古曰右謂少西去也走音奏

出武關抵雒陽

師古曰抵至也問不過差一二日

師古曰謂右去行遲止一二日也

直入武庫擊鳴鼓諸侯

聞之曰爲將軍從天而下也

師古曰不意其猝至

太尉如其計至雒陽使吏

搜散聞果得吳伏兵迺請涉爲護軍亞夫至會兵滎陽

師古曰會集也

吳方攻梁梁急請救亞夫引兵東北走昌邑

師古曰走音奏

深壁而守梁

王使使請亞夫亞夫守便宜不往梁上書言景帝景帝詔使救梁

亞夫不奉詔堅壁不出而使輕騎兵弓高侯等

補注周勃昌曰弓高侯韓彭當

吳楚兵後食道吳楚兵乏糧飢欲退數挑戰終不出夜軍中驚內

相攻擊擾亂至於帳下亞夫堅臥不起

補注宋祁曰漸本堅作終先謀曰史記作終

頃

之復定吳奔壁東南隙

如淳曰隙隙也師古曰音子候反又音鄒

亞夫使備西北已而

其精兵果奔西北不得入

補注劉奉世曰兩陣相向吳奔東南隙則西北在陣後何由奔之蓋亞夫令備

西南隙傳者但欲見能料敵反其所攻不知遂失實也

吳楚既餓迺引而去亞夫出精兵追

擊大破吳王濞吳王濞棄其軍與壯士數千人亡走保於江南丹

徒漢兵因乘勝遂盡虜之降其縣購吳王千金月餘越人斬吳王

頭曰告凡相守攻三月而吳楚破平於是諸將迺太尉計謀爲

是由此梁孝王與亞夫有隙歸復置太尉官五歲遷爲丞相景帝

甚重之上廢栗太子亞夫固爭之不待

補注錢大昭曰待當作上得先謙曰官本作得

由此疏之而梁孝王每朝常與太后言亞夫之短竇太后曰皇后

兄王信可侯也上讓曰始南皮及章武先帝不侯

師古曰南皮竇彭祖太后弟長

君之子章武太后母弟廣國

及臣卽位適侯之信未得封也竇太后曰人生各

已時行耳

師古曰言富貴當及己身也補注周壽昌曰人生史記作人主索隱謂人主各當其時而行事不必一一相法

也竇長君在時竟不得封侯

補注先謙曰官本無封字死後適其子彭祖願得

侯

師古曰

吾甚恨之

補注先謙曰恨悔也

帝趣侯信也

師古曰趣讀曰促

上曰請得

與丞相計之

補注宋祁曰景本計之字下又有與丞相計之五字

亞夫曰高帝約非劉氏不

得王非有功不得侯不如約天下其擊之今信雖皇后兄無功侯

之非約也上默然而沮

師古曰沮者止壞之意也音才與反

其後匈奴王徐盧等五

人降漢

師古曰功臣表云唯徐盧補注先謙曰按表容城侯徐盧外有桓侯賜適侯陸渾侯易侯僕隸范陽侯范代翁侯邯鄲

俱傳如王以中三年十二月丁丑同日封尚不止五人官本注唯作雖

上欲侯之呂勸後亞夫曰彼

背其主降陛下陛下侯之即何呂責人臣不守節者乎上曰丞相

議不可用迺悉封徐盧等爲列侯亞夫因謝病免相頃之上居禁

中召亞夫賜食獨置大胾

師占曰胾大胾音側吏反補注宋祁曰浙本注云大胾大胾也沈欽韓曰荀子

非相篇注胾胾也曲禮注殺骨體也胾切無切肉又不置箸亞夫

肉也哉正是切肉云無切肉則是大胾也

應劭曰尚席主席者也補注周壽昌曰史記注引與服雜事云尚席掌武帳帷幔

心不平顧謂尚席取箸

孟康曰設胾無箸者此非不足滿於君所乎嫌恨之也如滂曰非故

上視而笑曰此非不足君所乎

不足君之食具偶失之也師古曰孟說近之帝言賜君食而不設箸此由我意於君有不足乎補注宋祁曰浙本注文由我字上有

豈不二字

亞夫免冠謝上上曰起亞夫因趨出上目送之曰此鞅鞅非

少主臣也

補注沈欽韓曰御覽八十八引漢武故事曰時太子在側亞夫失意有怒色太子視之不輟亞夫於是起帝曰

爾何故視此邪對曰此人面畏必能作賊帝笑曰此快快非少主臣也

居無何亞夫子爲父買工官

尚方甲楯五百被可已葬者

如清曰工官官名也張晏曰被具也五百具甲楯也師古曰被音皮義反

取庸苦之不與錢

師古曰庸謂賈也苦謂極苦使也補注宋祁曰浙本注文賈字下有作者字

庸知其

盜買縣官器

補注先謙曰索隱縣官謂天子也所以謂國家爲縣官者夏官王畿內縣卽國都也王者官天下故曰縣

官怨而上變告子事連汙亞夫書既聞上下吏

補注宋祁曰浙本下字下有之字

吏簿責亞夫

如淳曰簿音主簿之簿簿問其辭情師古曰簿問者書之於簿一一問之也

亞夫不對上

罵之曰吾不用也

孟康曰言不用汝對欲殺之也如淳曰恐獄吏畏其復用事不敢折辱也師古曰孟說是也一

云帝貴此吏云不勝其任吾不用汝故召亞夫令詣廷尉也補注沈欽韓曰帝怒亞夫屈強不置對直下廷尉考劾不用問也先謙

曰索隱引師古一說以爲姚察解

召詣廷尉廷尉責問曰君侯欲反何亞夫曰臣

所買器迺葬器也何謂反乎吏曰君縱不欲反地上卽欲反地下

耳

補注先謙曰史記君下有候字與上文合

吏侵之益急初吏捕亞夫亞夫欲自殺其

夫人止之曰故不得死遂入廷尉因不食五日歐血而死國絕一

歲上迺更封絳侯勃宅子堅爲平曲侯續絳侯後傳子建德爲太

子太傅坐酎金免官後有罪國除

補注先謙曰功臣表建德元鼎五年坐酎金免侯史記作坐酎

金不善元鼎五年有罪國除蓋本作元鼎五年坐酎金不善有罪
國除史文誤倒非酎金不善之外別有罪也兩文同在元鼎五年
本無不合明亞夫果餓死死後補注先謙曰據上邽封王信爲蓋
此文有誤

侯至平帝元始二年繼絕世復封勃玄孫之子恭爲絳侯千戶

贊曰聞張良之智勇呂爲其貌魁梧奇偉應劭曰魁梧丘盧壯大

師古曰魁大貌也梧者言其可驚梧今人讀爲吾非也補注王念

孫曰案師古以梧爲驚梧則義與魁大不相屬故又加一可字以

增成其義其失也鑿矣今案魁梧皆大也梧之言吳也方言吳大

也後書絳洪傳洪體貌魁梧李注梧音吾蓋舊有此讀魁梧奇偉

四字平列魁與梧同義奇與偉同義應劭以魁梧爲反若婦人女

邱虛壯大之意是也先謙曰官本注驚下梧作梧子故孔子稱呂貌取人失之子羽師古曰子羽孔子弟子潁水潁

明字貌惡而行善故云然也學者多疑於鬼神師古曰謂無鬼神之事也補注先

父亦異矣高祖數離困阨良常有力師古曰離遭也豈可謂非天乎陳平

之志見於社下傾側擾攘楚魏之間卒歸於漢而爲謀臣補注宋

作謀及呂后時事多故矣師古曰故謂中屯難也平竟自免呂智終王陵廷

主

爭杜門自絕亦各其志也周勃爲布衣時鄒模庸人至登輔佐匡

國家難誅諸呂立孝文爲漢伊周

師古曰處伊尹周公之任

何其盛也始呂后

問宰相高祖曰陳平智有餘王陵少戇可已佐之

師古曰戇愚也舊音下紺反今

讀音竹巷反

安劉氏者必勃也又問其次云過此已後非迺所及

師古曰迺

汝也言汝亦不及見也補注宋

終皆如言聖矣夫

張陳王周傳第十

終

漢書四十